

# *U VHALELA*

 Ndi a ni livhuwa, Murathu Neville. Murena a ni fhaṭutshedze.

Tshifhinga tshoṭhe zwi nga u vha kha u dzhaya. Ndo tou dzhena. Mukomana Moore o vha e na nne kha founu nga ha u da fhasi heneffho u itela mihuvho ya miñwaha ya futhanu ya Pentekoste. Ndo vha ndi tshi khou lingedza u ita dzidatamu na Vhanna vha Bindu huñwe fhethu, huno nda ri...nda rembulusela founu n̄tha, nda ri, "Ipfani iyo 'Tendani Fhedzi'? Inwi ni a ñivha uri izwo zwi amba mini." Huno nda ita uri a rembulutshele kha Billy, huno a gidima a bva nga munango. Ngauralo a—a thi ñivhi uri vha do bva hani heneffho murahu, fhedzi ndi... Zwa vhukuma ndi funa u tsela fhasi ngei Louisiana, naho, kha avho vhathu, vhone vhavhudí vha kale vha Tshipembe fhasi henengei. Fhedzi zwenezwo ndi tea u vha ngomu heneffho kha idzo datumu dzi fanaho ngei—ngei Florida, kha khuvhangano ya dzingu ya Vhanna vha Bindu, huno zwi zwi ita u nga two ñanganana musi ni tshi lingedza u zwi vhofha fhethu huthihi nga tshikhathinyana nga iyo ndila.

<sup>2</sup> Roṭhe ro takalela u vha fhano matsheloni ano, na u tshila huno—huno vhukati ha avho vhane vha nga ri "Amene." Izwo ndi zwone. Zwino, ni mpfarele ngauri roṭhe ro tsitsikana ngomu hafha n̄tha. Huno o amba uri vhañwe vha vhathu vha a da n̄tha huno vha tou reila vha ñuwa. Fhedzi riñe ri... Zwi tou vha zwa khwinresa zwine ri nga zwi ita nga—nga tshifhinga. Inwi ni a ñivha. Inwi ni a pñesesa, ndi na ngoho. [Mukomana Branham u a hoṭola—Mudz.] Ni mpfarele.

Naa ni nga pfa vhukhwine kha zwi bvaho kha *itshi* tshithihi kana zwi bvaho kha *itshi* tshithihi? *Itshi* tshinwe hafha? Zwavhudí, itonu i wana heneffho u mona hafha ngauralo ndi tsini. [Murathu Neville u ri, "*Itshi* tshi a tshila. *Iyo ndi* yone—*iyo ndi* khudzaipfi ya u rekhoda."—Mudz.] *Itshi*, tshi khou rekhoda fhano. Two luga. Two luga, muñe wanga.

<sup>3</sup> Two luga, naa no ñiphina madekwe? Ndo...ri na ngoho ya uri ro i wana, huno Murena o ri fhaṭutshedza. Hu tou vha na zwithu zwinzhisa two engedzeaho zwine zwi nga ambiwa nga ha Mulaedza heneffho, fhedzi ndo elekanya uri khamusi ni nga kona u zwi guda, inwi ni a ñivha, huno ni do limuha, nahone vhukati ha mitaladzi, awara ine ra khou tshila khayo. Ri heneffho kha tshifhinga tsha vhufhelo. Huno ndi a tenda izwo. A hu na zwiñwe, muthu muñwe na muñwe o elekanya izwo, ndi a humbulela, tshee Yesu a fulufhedzisa u vhuja. Fhedzi, inwi ni a ñivha, nga ñiñwe la aya mađuvha U khou do da, naho two ralo,

ni a vhona. Ngauralo a thi vhoni tshithu tsho salaho u bvelela, nga nn̄da ha u takulelwa ḥaqulu ha Tshivhidzo.

<sup>4</sup> Zwino, zwenezwo ri sa athu u sendela kha Mulaedza ndi a ḥoda nga matsheloni ano, nga ha ḥoho ya *U Vhalela*. Huno zwino ri...huno madekwana a ḥamusi, elelwani tshumelo ya nga madekwana a ḥamusi zwino, ndi *U Tshila Vhuhoneni Hawe*. Ni a vhona? Huno ri do lingedza u ḥavhanya, u dzhaya, u itela uri ni kone u ḥuwa uri ri ye mushumoni hafhu nga Musumbuluwo nga matsheloni. Huno ri a livhuwa vhoinwi nōthe. A thi tou ḥivha zwine ra do ita, zwine nda do ita ndi si na vhoinwi. Ndo tou—ndo tou sa kona u dzhena ndi si na vhoinwi.

<sup>5</sup> Huno ndi ḥoda u nea ndivhuwo ya tshipentshela kha uyo Khaladzi Williams, ndi a humbulela uri a thi ḥivhi uyo musadzi. Musi ndi tshi vuwa nga matsheloni ano, nne-nne, Mukomana Charlie Cox o vha e henengei, huno—huno pha—phanda ho vothi ho vha ho dala zwiliwa, ndaka i re tsimbini na zwithu. Nga ndila ye uyo musadzi muṭuku a ḥungufhadzaho a fanela u vha o bva biko itsi tshilimo, a tshi khou dzenisa izwo zwithu, maṭamat̄isi na zwithu zwa zwiliwa. Zwino, izwo zwi amba zwo dalesaho kha nne. Huno Khaladzi Williams, ndi a tenda uri vho sia Bivhili yanu henengei u rabelelwa, ha pfi u rabela uri Mudzimu u do... Ndo rabela nga ano matsheloni lufherani musi ndo vha ndi tshi khou gudela Mulaedza, uri Mudzimu u do dzhia zwi re ngomu zwa iyo Bivhili huno a zwi vhea mbiluni yanu. Huno ndi a rabela uri Mudzimu u do ni fhaṭutshedza. Ndi tama ndi tshi nga ni rabelela izwo, khaladzi, ndi a ḥivha na ngoho ya uri no bva biko nga maanda. Huno ndi a ni livhuwa nga maanda! Ndi zwiṭuku nga maanda u zwi amba, fhedzi i ri ni ndi ni nne Luhwalo lwa hune ra ḥivha, vhunga ndo amba madekwe, zwi nga si kundelwe. Yesu o amba, “U swika heneffo no ita kha vhaṭukusa,” huno izwo zwi do ralo, ni a vhona, “vhaṭukusa vha avha vhaṭuku Vhangā, no zwi itela Nne.” Huno ngavhe zwi tshi humela kha inwi nga ndila ine zwa do vha ngayo arali ni tshi do zwi nekedza heneffo kha zwanda Zwawe. Mudzimu a ni fhaṭutshedzele zwenezwo.

<sup>6</sup> Ndi a ni livhuwa nōthe. Musi ni fhano, ndi a wanulusa nga ha tsha—tshafumi na zwithu zwine na badela, uvho ndi vhufulufhelo hanu kha riñe, uri tshi do ya kha Muvhuso wa Mudzimu. Zwino, ri na vhudifhinduleli ha izwo, ni a vhona, huno ri tea u zwi ḥalutshedza. Ngauralo ri ḥoda u sedza tshiñwe na tshiñwe tshire ra ita, u ita mutshimbilo muñwe na muñwe uri u fhelele u ya nga hune ra kona, ndila ye Murena washu a do zwi ḥoda, ngauri a ri ḥivhi tshifhinga tshire A khou yo ri vhidza u fhindula huno zwenezwo ra ḥalutshedza tshiñwe na tshiñwe tshe tsha da ndilani yashu.

<sup>7</sup> Itsho ndi tshone tshiitisi ndi tshi elekanya uri Paulo, madekwe, o vha e na badzhi nthihi. Ni a vhona? O vha a tshi do vha o vha na dzo engedzeaho, fhedzi ho ngo ralo. Iyo ndi badzhi nthihi ye a vha a tshi nga i shumisa kha tshifhinga,

ngauralo o tou vhulunga yeneyo. A thi elekanyi uri o londa lupfumo lwa shango. A thi elekanyi uri o londa u divhea, inwi ni a divha zwine nda amba, muñwe na muñwe kha mishumo ya vhurereli mihulwane vhunga sa ñamusi. Huno vhathu vhanzhi nga maanda . . .

<sup>8</sup> Ndi a divha uri izwi zwi khou theiphiwa. Huno musi ndi tshi amba zwithu hafha, ndi a limuha uri a thi khou amba fhedzi na itshi tshivhidzo, fhedzi u buðekanya shango. Huno ndi . . . Ngauri idzi theiphi dzi ya kha nnzhi, tshaka nnzhi, huno vha a dzi dzhia na murahu kha tshaka kha la Afurika, murahu ngomu henengei, huno vha a dzula hafha, huno mushumeli u a dzi dzhia huno a ɏalutshedza dzitheiphi kha vhathu, murahu ngomu hune vha sa vhuye vha divha uri tshanda tsha u la na tsha monde ndi tshifhio. Ni a vhona? Kule murahu ngomu kha la Australia na nga kha hune vhathu vha—vha, a vha vhuyi vha . . . Tshithu fhedzi tshire vha la ndi . . . Ndila ine vha wana tshugela ndi u dzhia khumba ɏukhu huno vha gwa tshivhalonyana tsha vhusunzi huno vha luma nga murahu haho nga iyo ndila. Iyo ndi ndila ine vha tshila nga u wana tshugela yaho. Huno a vha na zwiambaro, a vha na tshithu. Vha dzhia kangaruu ya kale huno vha i posela n̄ha kha mulilo, nga ngomu hawe, zwa nga ngomu na tshiñwe na tshiñwe, huno vha i gotsha zwiñuku huno zwenezwo vha i la. Huno iyo ndi iyo, zwi a shusha. Huno elelwani, idzi theiphi dzi a tambiwa murahu ngomu heneffho. Mulaedza une na khou thetshelesa hafha u dovha wa tambiwa ngomu heneffho, nga vhafunziruñwa vha mañana vha dzhiaho idzi theiphi huno vha dovha vha dzi tambo ngomu heneffho, huno vha Li ɏalutshedza vhathu. Ngauralo, inwi ni a vhona, musi ndi tshi swika ngei nga Duvha la Khañhulo, inwi ni a vhona zwine zwa khou yo vha kha mahada anga? Naa mini-ha arali ndo khakhisa muñwe muthu? Ni a vhona? Inwi ni heneffho. Itonu elekanya nga ha muñwe wa iyo mimuya, arali ndo vha khakhisela kha tshithu tsho khakheaho.

<sup>9</sup> Ngauralo-ha ndi na vharathu vhanga fhano kha aya madzangano. Huno vhanzhi vhavho ndi vhanna vhavhudí, vhunzhisa havho, ndi takalela izwo. Fhedzi vhañwe vhavho vha vha nga u ralo . . . huno kanzhi vharangaphanda vha da fhethu hune vha tea u vhofha heneffho ngomu huno vha zwi ita vhunga, oo, vhunga mafhungo a politiki. Vha tambo politiki khao. Huno, kha izwo, vha a bva kha Ipfi la Mudzimu.

<sup>10</sup> Huno ndi fanela u dzula kha Ipfi. Ndi—ndi fanela u dzula heneffho. Huno zwi tou tea u ña kha izwi. Huno ndi—ndi—ndi tea u tshimbila nazwo, ndi zwenezwo fhedzi. Ngauralo, huno ri kha . . . Inwi ni a divha, ri anzela u imba luimbo luñuku, “Ri khou papamala phasi kha ludambwana lwa tshifhinga, a ri na tshifhinga tshilapfu tsha u dzula.” No no zwi pfa. “Makole a ñumbu a swiswi a ño shanduka u penyisa ñuvha.” Izwo ndi zwone. “Roñhe kha ri dzhie tshivhindi, ngauri a ro ngo siwa ri

rothe.” Izwo ndi zwone. “Gungwalamukisa hu si kale li khou da u kuvhanganya Dzhuwele Hayani.” Itsho ndi tshifhinga tshire nda lavhelela zwenezwo u vha na badzhi ine i sa do ḥahala, iyo ndi yone, ya U Ya Nga Hu Sa Pheli. Huno ndi fanela u vha wa ngoho kha Mudzimu, hu si u vha na tshenzhemo kha zwithu fhano kha lifhasi, u swika ri tshi swika henengei. Huno zwenezwo ri do . . . izwo ndi zwone zwi no khou yo fhedza tshifhinga tshilapfu.

<sup>11</sup> Ngauralo nne, kha iyi ya furaru . . . ri tshi ya kha miñwaha ya furaru ya mushumo, ndo lingedza u dzula ndi wa ngoho kha Ipfi. A thi divhi tshithu tshithihi tshe nda vhuya nda vha natsho u tshi shandukisa, ngauri ndo tshi vhala kha Bivhili, ndo amba fhedzi zwe Bivhili ya amba, huno nda zwi litsha zwa tshimbila nga iyo ndila. Huno ngauralo a tho ngo vha na u dzhia murahu kana u vhekanya hafhu, ngauri ndo zwi amba nga ndila ye Bivhili ya amba. Huno, ndi a wanulusa, arali Mudzimu o amba tshiñwe tshithu, zwenezwo ri fanela u tshimbila na iło Ipfi u itela u Li ita uri li khunyelele. Ro zwi vhona izwo, vhunga no vhudzwa madekwe, kana bono la zwenezwino, ni a vhona, uri li . . . Ndo do tea u vha henengei, na u tsivhudza u vha henengei, na u mmbudza miñwedzi ya rathi i sa athu vha hone u vha kha afho fhethu, huno nda ima henengei huno nda ri, “Tselani fhasi henengei” (kararu) “navho.” Huno ndo tou tshimbila na vhañwe vhanna. Huno bono la fhira kokotolo, tshipida tsha Mudzimu, huno ndo siiwa ndo ima. Ngauralo ri toda u elelwa, ni tea u dzula kha Ipfi, u tou dzula na Ipfi. Huno hune Ipfi la ranga phanda, inwi ni tshimbila na Ipfi, huno Li do ni disa no luga zwavhuđi, ndi na ngoho.

<sup>12</sup> Zwino, ndi a divha uri no vha fhano tsha awara ya malo n̄ha ha tshithoma, huno nga khonadzeo ndi awara ya fumi n̄ha ha tshithoma zwa zwino. Zwo ralo. Ngauralo kha ri rabele zwino kha Murena washu. Naa hu na zwiñwe zwirabeliswa zwa tshipentshela? Ndi vhona vhunzhi ha sagaduku dici heneffho. Imisani zwanda zwanu u itela zwirabeliswa. Mudzimu a ni fhañtshedze. Zwino Ene . . . Ndo Mu divha tshifhinga tshilapfu lwo edanaho u divha izwi, uri U vhona tshanda tshiñwe na tshinwe na u divha mbilu inwe na inwe, huno tshithu tsho salaho u tshi ita ndi u tou Mu humbelala. Huno inwi zwi tendeni, huno zwi a bvelela. Zwino, inwi ni a tenda musi ri tshi rabela.

<sup>13</sup> Khotsi wa Tađulu, zwino ri khou sendela Khuluçoni ya maanda khulwane ya Mudzimu, sa vhatu vha faho vha re kha muvhili wa mvelo, naho zwo ralo maipfi ashu a tshi khou amba maipfi a no khou dzhena ngomu kha iyo Khuluçoni khulwane huñwe fhethu kha mañwe masia hune Mudzimu a dzula. Ngauri, Yesu a ri, “Inwi humbelani Khotsi tshiñwe tshithu nga Dzina Langa, Ndi do tshi ita.” Huno O ri humbelala uri ri sa timatime, fhedzi, musi ri tshi rabela, u tenda uri ri a ḥanganedza izwo zwine ra zwi humbelala, huno ri do newa zwone. Ha pfi, “Nahone ni nga kona u amba na iyi thavha, ‘Sudzuluwa,’ huno ni songo

timatima mbiluni yaṇu, fhedzi tendani uri zwe na zwi amba zwi ḋo khunyelela, huno ni nga kona u vha na zwe na amba.” Khotsi, ri a ḋivha uri izwo ndi ngoho nga maanda. Ri a zwi sedza ḋuvha na ḋuvha, huno a hu na mulandu kha Ipfi Lau. Ndi ngauri ri ngā si kone u vha fhethu, nga tshiñwe tshifhinga lutendo lwashu lu nga si ri sudzulusele heneffho n̄tha, ri a ḋada na u timatima. Fhedzi, matsheloni ano, ri khou lingedza ḋa da, Murena, na fhulufhelo liswa, ro farelela kha thambo ya u tshidza ya Kristo na pfufuhedziso Yawe. Huno ri khou ḋa Vhuhoneni ha Mudzimu Dzinani ḋa Yesu.

<sup>14</sup> Murena, ndi na ngoho ya uri Iwe u ḋivha zwirabeliswa zweṭhe zwa zwa ḋivhadziwa fhasi ha tshanda nga matsheloni ano zwa zwa imiswa. Na tshanga tsho imiswa, huno tshone tsho imiselwa n̄tha lu sa dzinginei u itela Iwe, Murena, ngauri nne ndi muthu a ḋodaho. Huno ndi a rabela uri U ḋo tendela tshirabeliswa tshiñwe na tshiñwe. Vha sedze, Murena, huno u fhindule zwirabeliswa zwavho, u bva kha muswesa u ya kha wa kalesa, u bva kha tshitukusa tsha zwirabeliswa u ya kha tshirabeliswa tshihulwanesa. Zwenezwo, Khotsi, vha fhindule, muñwe na muñwe. Ndi a zwi humbelia Dzinani ḋa Yesu. Zwenezwo elelwa tshanga, Murena.

<sup>15</sup> Huno ndi a rabela na u U livhuwa nge wa ri nea vhuawelo havhudī kha mivhili yashu, na ndivho ine ra vha nayo ya Ipfi Lau, na pfecto ine ra vha nayo ya Muya, nahone ri khou isa phanda na u rabela uri U ḋo ri nea pfecto khulwane u itela uri ri si vhe lifhedzi, vhathu vha dikukumusaho ngayo, fhedzi vhathu vha u ḋitukufhadza, u itela uri Muya Mukhethwa u kone u ri shumisa uri Ipfi ḋa Mudzimu li khunyelele, na u ri vhea kha vhuimo hune ra ḋoda u vha hone nga iyi awara. Ngauri ri fanela u vha fhethu hone ha uri zwi bvelele. Huno ri ḋoda u ralo, Murena. Arali hu mufaramuṭa murahu ha ḋafula, arali zwi u itela munna wa li—limaga e na tshishumiswa tsha methala tshandani tshawe, na vhuṭanzi, arali hu u itela mushumeli a re kha phuluphithi, kana mudikoni kana mulangandaka, kana u itela ḋwana a re tshikoloni, mutukana kha murerisano kilasini, huñwe na huñwe hune ya vha hone, Murena, kha ri vhe heneffho nga tshifhinga tshone. Ngauri ri a ḋivha uri Wo zwi fulufhedzisa, huno zwi khou yo bvelela ngauri Wo amba nga u ralo, huno, mulandu, ndi lutendo lwashu lwo fhaṭwaho heneffho.

<sup>16</sup> Zwino, Murena, ri pfa uri a ri na tshifhinga tshilapfu. Tshifhinga tshi khou dzhena ngomu. Ri kona u pfa i tshi bva kha tshikhala tsha nga nn̄da, musi i tshi dzhena ngomu. Ri a ḋivha uri khaṭhulo na mbiti dza Mudzimu dzo lugela u wa. Ri vho kona u pfa masiandaitwa adzo. Huno ri a rabela, Murena, uri U ḋo ri thusa.

<sup>17</sup> Huno zwino nthuse, Murena, kha uyu Mulaedza muṭuku matsheloni ano, wa miniti i ḋodaho u swika ya furaru, u no pfi U Vhalela. Ri thuse, Murena, u pfecto heneffha hune ra vha hone.

<sup>18</sup> Huno ri khethefhadze zwino, Murena, u tshi dzhia zwivhi zwashu na dziphambuwo. Huno ngavhe hu sa vhi na muthu muthihi fhano nga matsheloni ano, a no xela, ngavhe muñwe na muñwe a tshi lugela, a vha kha uyo mutengelele muhulwane musi ri tshi ḥangana kha lila linwe sia. Musi mutevhe u tshi vhidzwa, ngavhe ndi tshi pfa dzina nga murahu ha dzina, “u hone.” Izwo ndi zwine ra khou zwi ḥoda, Murena. Huno vha kale vha do vha vhaswa henengei lwa lini na lini, vho shandukiswa nga tshifhinga tshiṭuku, vha si tsha fa, vha do ima nga tshivhumbeo Tshawe, ḫuvha na dzinaledzi u penya u fhirisia, vhunga Daniele o amba, “Avho vho rembuluselaho vhanzhi kha u luga vha do penya sa dzinaledzi lwa lini na lini.” Fhedzi riñe ri pfa zwe Wa amba na muporofita, “Tshimbila nga ndila yau, Daniele, ngauri iwe u do awela na vhanzhi, fhedzi nga ilo ḫuvha iwe u do vuwa.”

<sup>19</sup> O Mudzimu, kha ri vhaliwe ro fanela nga kha Malofha a Yesu, a hu na vhukoni hashu vhune ra vhu vhila, fhedzi nga kha vhukoni Hawe ngavhe ri tshi vha vho fanelaho u ima nga ilo ḫuvha musi ri tshi qibula vhukhakhi hashu huno ri tshi tama u ima kha u luga Hawe, na muporofita muhulwane Daniele na avho vhothe vha no do ima musi malamba a tshi newa. U swika zwenezwo, Murena, ri ite zwishumiswa tshandani Tshau. Ita ndevhe dzashu zwishumiswa nga matsheloni ano zwa u pfa Ipfi. Ita milomo yanga zwishumiswa zwa u Li amba. Ngauri ri zwi humbelo Dzinani la Yesu, huno ngavhe pfeseso yashu i tshi pfesesa lufuno lwa Mudzimu. Amene.

<sup>20</sup> Zwi a konda nga maanda u thoma. Hu vhonala hu tshi nga hu na zwo dalesaho zwine ni nga amba huno—huno ni ḥoda u amba, huno hu vhonala u nga hu na tshifhinga tshiṭuku tsha u zwi amba. Khamusi ndi—ndi sa athu ṭuwa. Ndo amba madekwe, ri nga di wana tshikhala tsha u—u fhenda iñwe ya Bugu dza Bivhili, ulu luṭavula kana vhuriha, ri sa athu ṭuwa. U ṭuwa, ndi ḥoda u ya seli ha malwanzhe, Murena a tshi funa, heneffo nga murahu ha Khushumusi tshiñwe tshifhinga.

<sup>21</sup> Zwino ndi tama inwi ni tshi vula matsheloni ano kha u vhala, kha Vhaheberu ndima ya vhu11. Huno zwino thetshelesani nga vhuronwane vhukuma kha u vhala. Ndi ḥoda u—u ombedzela kha ndimana ya vhu3.

*Zwino lutendo ndi tshithu tsha zwithu zwo fhulufhelwaho, vhuṭanzi ha zwithu zwi songo vhonwaho.*

*Ngauri ngalwo vhahulwane vho wana muvhigo wavhudzi.*

*Nga lutendo ri a pfesesa uri mashango o vhumbiwa nga Ipfi la Mudzimu, ngauri zwithu zwi no vhonwa a zwo ngo itwa nga zwithu zwi no vhonala.*

<sup>22</sup> Zwino, ulwo ndi lushaka lwa linwalwa li sa pfesesiho lwa muṭodo u itela linwalwa line nda—nda ḥoda u li shumisa. Zwithu

a zwe ngo itwa nga zwithu zwi no vhonala. Zwino ndi ṭoda u shumisa iyi thoho matsheloni ano, *U Vhalela*, ngauri ndi ṭoda u ita mba—mbambbedzo kha ndila ya vhuporofita. Madekwe ndo ṭoda u funza zwituku nga ha Luñwalo; nga matsheloni ano Mulaedza wa vhuporofita; huno madekwana a ɿamusi Mulaedza wa vhuevangel.

<sup>23</sup> Zwino, zwithu zwe zwa itwa nga zwithu zwine zwa sa vhonale. Zwino, ndo guda nga kha iyi miñwaha yothe uri zwithu zweþe zwine zwa vha zwa mupo ndi zwifanyiso zwa zwithu zwa maya, tshinwe na tshinwe tshire tsha vha kha mupo. Huno zwino itonu elelwa, uri musi ni tshi vhona tshinwe tshitihu kha mupo, tshi khou fanyisa tshitihu tsha maya. Ni a vhona? Zwithu zweþe zwi a itwa nga murahu ha zwithu zwine zwi sa vhonale. Ni a vhona, tsha mupo zwenezwo tsho vhonisa tsha maya.

<sup>24</sup> Zwino, musi ndo vha ndi tshi khou guda maduvha a si gathi o fhiraho, huno ndo zwi bula madekwe, zwitukunyana, uri ndo vha ndi tshi khou vhala he...kana u pfa kha radio, ndi tshi da ndi tshi bva Canada, nga ha he uyo dokotela hafha kha la United States a vha—vha o ita tshitatamennde tsha uri “munna o vha e miñwaha ya milioni dza fumiña ya u bvelela ha zwithu.” Vho gwa shambo ngei kha la Italy, nga 1800, huñwe fhethu nga vho1800, uri ili shambo lo vha li tshi tea u vha shambo la muthu le la vha...nga di kona nga... Musi vha tshi zwi ita, u amba uri lo vha li la kale hani, huno uyu dokotela sa mukalaha huno o vhea vhutshilo hawe kha u guda nga ha ili shambo. Huno u ri, “Ili shambo ndi shambo la munna ane a vha na miñwaha ya milioni dza fumiña nga vhukale.”

<sup>25</sup> Zwino, nga ndila ine izwo zwa vha vhutafutafu ngayo! Nga ndila ye munna a posela vhutshilo hawe kule nga fhedzi, a tshi khou lingedza u sumbedza uri Ipfi la Mudzimu lo khakhea, huno o wana lifhedzi nga nn̄da ha vhuyo vhu—vhu si na magumo khazwo. Huno muñwe muthu u a ðivha uri arali ni tshi do swita shambo mavuni, hu sa athu fhela miñwaha ya fumbili ilo shambo li khou shanduka. Hu sa athu fhela miñwaha ya ðana ilo shambo lo no di tuwa, ho tou sala zwipida zwalo, huno a hu londwi uri ni nga li panga kha nyimele-de. Ni a vhona? Huno zwenezwo hu sa athu fhela miñwaha ya tshigidi naa ilo shambo li do vha mini, miñwaha ya madana a fumi? Oo, naa zwi do vha mini fumi na andisa nga izwo, zwi do vha milioni nthihi? Zwenezwo fumiña na andisa nga milioni. Yawee, nñe-nñe! Zwi tou vha... A zwi vhuyi zwa vha na þhalukanyo u vhuya na elekanya nga ha tshitihu tsho raloho. Shambo a li nga vhi hone lwa milioni dza fumiña fhasi ha nyimele inwe na inwe. Muñwe na muñwe u a zwi ðivha izwo. A nga di vha o doba tshinwe tshitihu tsho vhonalaho sa shambo kana tshinwe tshitihu. Huno zwenezwo vho vha vha tshi nga zwi amba hani zwavhuði uri lo vha li na miñwaha ya milioni dza fumiña nga vhukale? Ni a vhona? Itali, Mudzimu o ita muthu

kha lifhasi miñwaha ya zwigidi zwa rathi yo fhiraho, huno izwo zwi a li ladza.

<sup>26</sup> Muñwe muthu o vha a tshi khou zwi amba na nne tshiñwe tshifhinga tsho fhiraho, kha muñwe wa miñtangano yanga. Ndo vha ndi tshi khou amba nga ha u bvelela ha munna, huno nda amba uri o vha e na miñwaha ya zwigidi zwa rathi fhedzi nga vhukale. Huno uyu munna a ri, “Zwo luga, Mukomana Branham, ri nga phuruva uri shango li na miñwaha ya dzimilioni nga vhukale. Ngauralo tshithu tshine na khou amba nga hatsho, noñhe ni khou khakha.”

Nda ri, “Naa a ni tendi Bivhili?”

A ri, “Ndi a tenda uri munna o ñwala Bivhili.”

<sup>27</sup> Huno nda ri, “Ngoho tshanda tsha munna tsho vhumba maledere, fhedzi Muya Mukhethwa wo vha u murahu ha tshanda. Ni a vhona, o vhumba ledere, ngauri Bivhili yo amba nga u ralo.”

<sup>28</sup> Huno a ri, “Zwo luga, henefho—henefho, ni tea u tenda uri vha a khakha kha shango.”

Nda ri, “Bivhili na khathihi a i khakhi, na khathihi a i khakhi.”

<sup>29</sup> A ri, “Zwo luga, arali shango,” a ri, “lo vha li hone, ni kona u vhona thavha uri dzo sukumedzwa hani nga thavhandubi.”

Nda ri, “Fhedzi inwi itonu . . .”

A ri, “Huno Mudzimu o ita shango nga mađuvha a rathi.”

<sup>30</sup> Nda ri, “Zwino, Bivhili a yo ngo amba izwo. Inwi no sokou elekanya uri yo zwi amba.” Nda ri, “Kha ri tou humela murahu zwino u dzudzanya khani yanu. Ndima ya 1 ya Genesi, yo amba, ‘U rangani Mudzimu o sika mađadulu na lifhasi.’ Phiriodi! O fhedza tshifhinga tshingafhani A tshi khou zwi ita, a thi divhi. Ho ngo ri vhudza. Fhedzi, ‘U rangani Mudzimu o sika mađadulu na lifhasi.’ Phiriodi! Zwenezwo, ‘Huno shango lo vha . . . -si na tshivhumbeo.’ Izwo ndi musi Mudzimu o thoma u li shumisa. Ni a vhona? Ngauralo vha tou rwa maluvhi avho lwa fhedzi. Ni a vhona? Ni a vhona?

<sup>31</sup> Mudzimu o ita shango. A nga di vha o dzhia miñwaha ya ñirilioni dza ñana a tshi li ita; a thi divhi uri tshifhinga tshingafhani A tshi ralo, fhedzi O li ita. Huno Ha ngo amba uri tshifhinga tshingafhani A tshi ralo, huno a si mushumo washu uri ho vha hu tshifhinga tshingafhani. O tou amba, “U rangani Mudzimu o sika mađadulu na lifhasi.” Phiriodi! Izwo zwi a li ladza. Izwo ndi zwoñhe zwazwo. Uri ndi tshifhinga tshingafhani A tshi khou zwi ita, izwo a si . . . Fhedzi zwenezwo tsiko yo thoma u bvelela nga u ñavhanya zwino nga tshiñwe tshifhinga, musi A tshi thoma.

<sup>32</sup> Huno ndi a tenda, uri ngomu heneffho, uri tshiñwe na tshiñwe kha lifhasi tshi vhonisa Tađulu. Ndi a tenda uri, ngauri inwi ni vhonisa tshiñwe na tshiñwe tshi tshi kakarikela vhutshilo ndi ngauri hu na vhutshilo vhu no vhoniswa vhu tshi bva khaho. Huno ndi a tenda uri musi Mudzimu a tshi ita muthu, A thoma u vhonisa zwithu zwiñku zwi no nga vhutshilo ha phukha, huno zwenezwo tshithu tshi tevhelaho tshe A tshi sika tsho vha tshi tshiñwe tsho fhambanaho. Izwo zwi tou vha kokotolo ndila ine Bivhili ya amba uri O zwi ita. O ita miri u thoma na vhutshilo ha divhazwimela, huno A ita muthu. Huno zwenezwo tshithu tsha u fhedza tshire tsha vhuya tsha da tshi tshi bva kha lifhasi nga tshivhumbeo tsha tsiko ho vha hu muthu, a hu na tshithu tsha nthesa tshe tsha vhuya tsha da. Ngauri ndi ngani? Tsho vha tshi tshivhoniswa tsho fhelelaho ngei Tađulu, zwine, Mudzimu ndi Munna. Ni a vhonisa? Mudzimu ndi Munna, ngauralo-ha zwi a zwi phuruva. Huno musi Mudzimu o tsela fhasi u dzula vhukati hashu, O vha e Munna. Ni a vhonisa? Munna, ngauralo zwi sumbedza uri u fhelela ha u bvelela ha zwithu o vha e Mudzimu, ane a vha Munna.

<sup>33</sup> Huno zwenezwo ni dzhia muri, (ni dzhia hatsi na zwiñwe-vho), dzhiani muri, u vhonisa Muri wa Vhutshilo u re ngei Tađulu. Zwithu izwi zwoñhe zwi khou kakarikela u fhelela. Huno tshiñwe na tshiñwe kha mupo, vhunga Vhaheberu i tshi amba hafha, yo itwa nga zwithu zwi sa vhonali. Nga mañwe maipfi, ndi zwa n̄tha ha mupo. Huno zwa n̄tha ha mupo zwi khou vhonisa zwa mupo. Ni a vhonisa? Zwino, zwenezwo zwa mupo zwo vha zwi zwa U Ya Nga Hu Sa Fheli, kana zwi tea u vha zwa lini na lini na zwa n̄tha ha mupo, fhedzi tshivhi tsho shanda zwa mupo. Ngauralo, huno arali izwo zwo ralo, zwine nda tenda uri zwo ralo, zwenezwo tshiñwe na tshiñwe tshi no khou bvelela kha lifhasi ndi tshifanyiso tsha zwithu zwa tshimuya zwi no khou bvelela. Ni a vhonisa? Zwi tea u vhonisa tshiñwe tshithu, u swikelela ha munna.

<sup>34</sup> Zwino, ri a wanulusa, vhunga muvhili wa mvelo, ngoyu muvhili wa mvelo, huno muvhili wo itwa u dibveledza, zwe zwa vha zwi vhana. Huno zwino muvhili wa mvelo, kha mbebo ya mvelo ya lushie, ri a wanulusa tshithu tsha u thoma tshi no bvelela ndi mađi, zwenezwo malofha, huno zwenezwo vhutshilo. Ri wanulusa kha muvhili wa tshimuya wa Kristo, tshithu tsha u thoma ndi mađi, na Malofha, na Vhutshilo; u itwa vho lugaho, khethefhadzo, ndovhedzo ya Muya Mukhethwa. Ni a vhonisa uri zwi vhonisa hani, zwithu zwa mupo zwoñhe zwi tshi vhonisa zwithu zwa tshimuya. Mbebo ya mvelo.

<sup>35</sup> Ri dzhia, sa tsumbo, mbingano ya mbumbano. Ri a wanulusa uri iyo, mbingano; ri wana vhuñama ha vhabunani, na dzithendelano, huno zwenezwo mbingano. Izwo zwi tea u zwi dzudzanya lwa tshifhinga tshoñhe. Zwino, izwo ndi zwenezwo zwithihi zwi re zwone kha Kristo na Tshivhidzo. Ni

a vhona? Khothoshipi, Mudzimu a tshi vhidza mbilu dzashu; ri a dikumedza; vhuṭambo ha mbingano, na Muselwa u dzhia Dzina la Muhwe. Ni a vhona? Ni a vhona? Ni a vhona? Khezwo, izwo zwi ita Muselwa. Zwino, tshifhinga tshoṭhe muselwa u dzhia dzina la muhwe.

<sup>36</sup> Hu na zwithu zwinzhi nga maanda zwine ri nga amba nga hazwo hafha. Ndi na mutevhe wo nwałwaho fhasi une wa nnzhia awara mbili u u fhedza, kałukułku, na Mañwalo a u tikedza izwi, vhunga arali ni tshi ṭođa mańwe avho hafha u zwi tikedza. Vhunga Yohane wa u Thoma 5:7, i sumbedza mbebo ya mvelo na ya tshimuya, na zwińwe-who, “madi, Malofha, na Muya.” Huno zwiraru ngei Tađulu, “Khotsi, Murwa, na Muya Mukhethwa,” avha vhararu ndi muthihi. Hu na zwiraru zwi no tendelana kha liphasi, a si tshithihi, fhedzi zwi tendelana kha tshithihi, kha liphasi, izwo ndi “madi, Malofha, na Muya.” Ni a vhona, “madi, Malofha, na Muya,” vhunga tshifanyiso tsha mvelo tsha mbebo tshi tshi zwi fanyisa.

<sup>37</sup> Ngauralo arali munna a tshi dzula kha muhumbulo wa uri “u tou itwa o lugaho ndi zweṭhe zwine na tea u vha nazwo,” u khou khakha, khakha. U tea u vha a khakhaho. Huno zwenezwo arali tshivhidzo tshi no tenda vhunga Vhapentekostała vhanzhi, uri Muya Mukhethwa ndi wone, “ndi zwenezwo fhedzi, itonu rembuluwa huno ni wane Muya Mukhethwa,” izwo zwi kha di vha zwo khakhea, ngauri ni tea u wana khethefhadzo ngomu henefho u u ḥanzwa Muya Mukhethwa u sa athu dzhena. Arali ni sa khou ralo, ni sia nnđa Malofha. Ni a vhona? Huno Mbebo ntswa, vhunga vhatħu vha tshi amba uri ndovhedzo ya Muya Mukhethwa ndi Mbebo ntswa. Zwino, izwo zwo khakhea. Ndovhedzo ya Muya Mukhethwa yo fhambana na Mbebo ntswa. Mbebo ntswa ndi musi ni tshi bebwahafhu. Fhedzi Muya Mukhethwa ndi musi maanda a tshi dzhena kha iyo Mbebo u itela tshumelo. Izwo ndi kokotolo. Ni a vhona? Muya Mukhethwa ndi... lovhedzwa ngomu ha Muya Mukhethwa.

<sup>38</sup> Mbebo ntswa, inwi ni na Mbebo ntswa nga u tenda kha Murena Yesu Kristo. Ni a vhona? Nga u vha na lutendo na u Mu ḥanganedza sa Mutshidzi wanu, iyo ndi Mbebo, ni a vhona, ngauri no bva lufuni na ya Vhutshiloni. Zwino, arali ni tshi ṭođa u tikedza izwo, dzhiani Yohane Mukhethwa 5:24, “Ane a pfa Maipfi Anga huno a tenda kha Uyo we a Nthuma, u na Vhutshilo ha lini na lini.” Ni a vhona, u na Vhutshilo ngauri u a tenda. Huno itsho tshigwada tshi fanaho tsho ḥo tea u ya Pentekoste u lovhedzwa nga Muya Mukhethwa. Kokotolo.

<sup>39</sup> Muya Mukhethwa ndi maanda a tshumelo. Ngauralo musi ri tshi amba nga ha inwi uri ni tea u bebwahafhu, huno ri tshi shumisa izwo kha Muya Mukhethwa, vhanzhi vha Męthodisi na vhańwe-who vha a khakha henefho. Zwi nga si ralo. Zwi tou vha zwi si nga tendelani na Luńwalo hafha. Inwi ni wana tshithu nga thungo. Zwi tea u zwi dzhia nga ndila ye Luńwalo la zwi vhea

hafha nn̄da. Ni a vhona? Huno Muya Mukhethwa ndi. . . “Inwi ni do t̄anganedza Mbebo nt̄swa nga murahu ha izwi”? Mini? Hai. “Ni do t̄anganedza maanda,” Mishumo 1:8, “nga murahu ha musi uyu Muya Mukhethwa wo tsela kha inwi.” Ni a vhona? Huno vho no di tenda kha Vhutshilo Vhu Sa Fheli, na zwiñwe-vho, fhedzi vho do tea u vha na Muya Mukhethwa u itela maanda. “Ni do vha dzithanzi kha Nn̄e nga murahu ha musi Muya Mukhethwa wo no tsela kha inwi,” ngauri Muya Mukhethwa ndi t̄hanzi ya mvuwo, zwi sumbedza uri no no vha mualuwa kha Kristo.

<sup>40</sup> Zwino, zwa mupo. Zwithu zweþhe zwa tshimuya, zwiitea zweþhe na zwiñwe-vho zwi a fanyisa, kana zwi fanyisa zwa n̄tha ha mupo, kana zwa—zwa mupo ndi tshifanyiso tsha zwa n̄tha ha mupo.

<sup>41</sup> Zwino, ndo ya kha World’s Fair musi ro vha ri henefho tsini nayo ngei Spokane, huno nda elekanya uri ndi do dzhia muþa.

<sup>42</sup> Ngauri ndo no vha kha World Fair nthihi fhedzi kha la United States, huno izwo ndi musi zwi Chicago, miñwahani yo fhiraho, Hope na nne ra gonya n̄tha. Huno a ro ngo ya u dzula henengei fhedzi kha duvha lithihi, vhadzia-u-tswatthelede zwikwamani, na tshinwe na tshinwe. O vha e na phini ye muzwala wanga a mu nea yone, huno ndo vha ndi tshi khou tshimbila henefho tsini hawe, muñwe muthu o wana phini. Itonu. . . zwe vha zwi tshi tou vha zwi ofhisaho. Huno ngauralo ndi. . . Ro dzula duvha lithihi huno ra vhuya.

<sup>43</sup> Fhedzi yone World’s Fair, ndo dzhia muþa huno nda ya hangei. Ho vha hu si u fhira Louisville Fair henefha nga n̄tha ha hafha. No vhona Space Needle tshe vha amba nga hatsho, tsho vha tshi si tshinwe tshithu-vho fhedzi u ya nga hangei kha Eisley Build. . . kana Brown Building kana huñwe fhethu, huno na ya n̄tha u swika u fhufha ha fumi kana ha malo nga mutshini wa u hwala vhathu huno na vhuya murahu phasi. Izwo zwe vha zwi zwone. Huno ndi elekanya uri General Electric yo vha i yone ye ya vha na izwo henefho. Fhedzi ho vha hu na tshithu tshithihi tshe tsha vha tshi tshi kunga. Zwino, Dzheremane vho vha na t̄ano lavho, Rashia na dzirwe tshaka dzoþhe dzo vha natsho, ngauri ndi World’s Fair. La Dzheremane, la Fura, na ayo mañano mañuku o vha a si lufhera luhulwane u fhira iyi phuluphithi i tshi nga vha nga u ralo henefha.

<sup>44</sup> Fhedzi vhorasaintsi vho vha na zwe vha zwi swikelela, huno tshithu tshihulwane tshe vha vha—vha vha vha tshi ita nyonyoloso ngatsho, ho vha hu u shumissa fola. Huno arali muñwe munna a no daha dzisigareþe huno o tshimbilela ngomu henefho, huno a bva huno a dovha a daha, hu na tshinwe tshithu tsho khakheaho kha þhalukanyo ya uyo munna. Musi ndo no vha vhona nga maþo anga vha tshi dzhia sigareþe huno vha i vhea ngomu mutshinini, huno vha kokodza vhu—vhutsi ha fola u bva henefho huno vha vhu vhudzulela nga kha tshupu

ya dzikhemikhala, huno pfuko tshena yo vha yo dala ngawo, nga sigarete nthihi. Huno zwenezwo a ri, “Vhathu vhanzhi vha ri,” izwi lifhasini lothe, u swikelela ha nt̄ha hazwo, a ri, “vhathu vhanzhi vha ri, ‘A thi i femeli ngomu.’” Huno rasaintsi a dzhia sigarete ene mune huno a kokodza mudubiso wayo mulomoni wawe, a sa i vhudzuli nga kha ningozdawe, kana naho zwe ralo vha a u disa fhasi ha mafhafhu avho, fhedzi a tou i vhea mulomoni wawe huno zwenezwo a i vhudzula ngomu ha khemikhala dzenedzo nthihi, ho vha hu si na pfuko ngomu hazwo. Ha pfi, “Naa ho ya ngafhi? Mulomoni wanga. Musi ndi tshi mila, vhu ya ngomu thumbuni, a hu na zwinwe.” A ri, “Zwino . . .”

<sup>45</sup> Zwenezwo muhumbulo u a da, “Ndi ngani madokotela a tshi ri sigarete a dzi vhaisi?”

<sup>46</sup> A ri, “Munna munwe na munwe a no do rengisa vhutanzhe haw! Dokotela u ita tshitatamennde tsha u ralo a nga litsa mushumo, ngauri idzo khamphani dza sigarete dzi do mu nea zwe edanaho u litsa mushumo khazwo.” Ené zwa vhukuma u rengisa vhutanzhe haw, ngauri o ana uri a nga si ite tshithu tsha u ralo. Fhedzi vha a zwi ita naho zwe ralo.

<sup>47</sup> Huno a ri, “Ngoyu mutshini zwino. Ri do ni phuruvela zwone nga u swikelela zwa saints.” Huno vho vha na Yul Brynner, inwi ni a divha, ramakone wa filimu ngomu heneffho. Izwo, huno musi iyo phaselat̄ukhukhuy ya nikotini . . . A ri, “Zwino vha ri ‘thiphi ya zwisefamutsi.’” A ri, “Munna a no ita izwo, u tou sumbedza nyimele ya thalukanyo yawe. Ngauri arali ni si na vhuñwe vhutsi, a ni na tshinwe tshigontiri, huno tshigontiri tshi ita vhutsi. Huno arali ni tshi khou dahan sigarete ya tshisefamutsi,” a ri, “i do dzhia dzi no swika tharu kana nna u fusha ha ila inwe nthihi, ngauri i tou dzhia itsho tshigontiri tsho engedzeaho u fusha.” Arali ni sa wani vhutsi, afho a hu na tshigontiri. Ni tea u vha na tshigontiri u vha na vhutsi. Ngauralo izwo ndi zwone. Ha pfi, “Dahani, arali u tshi khou yo i dahan, dahan i si na thiphi khayo. Wanani . . . Sigarete nthihi i do fusha hune zwa dzhia tharu ya dzinwe, ngauri ni khou tou kokodza itsho tshigontiri tshiñuku.”

<sup>48</sup> Ndi maano a u rengisa! Ndi zwenezwo fhedzi zwine lushaka lwa dala nga maano a u rengisa, na tshika na tshinwe na tshinwe-vho.

<sup>49</sup> Huno heneffho o dzhia izwo huno a sumbedza ndila ya uri phaselat̄ukhuy yo fashwa mukuloni kana ngomu ha mafhafhu. Huno tsha u thoma ndi tshena, zwenezwo i vha pinki, huno zwenezwo u bva kha pinki i shanduka ya vha phephulu. Tshipida-tshipida tsha sele t̄ukhuy tsho vhonala tshi tshihulu zwingafho nga kha ngilasi, fhedzi, a hu na zwinwe, inwi ni dzhia ngilasi ya maanda uri ni vhone sele. Zwenezwo u ri, “Musi i tshi shanduka ya vha phephulu, ni na pfuko.” A ri, “Munna a no do

daha paka nthihi ya dzisigarete nga ɖuvha u na tshikhala tsha phesente dza fusumbe tsha u fa nga pfuko u fhira munna ane a sa i dahe." Huno zwi vhonala zwi zwa vhutsilu u dzhia tshikhala tsho raloho.

<sup>50</sup> Zwino, huno zwenezwo a dzhia tshiñwe tshithu huno a zwi phuruva, a disa mbevha tshena. Huno a dzhia sigarete huno a i vhea nga ngomu ha mutshini, huno a i budekanya na tshiñwe tshithu tshi no nga mabuli matshena, huno a dzhia dzu—dzudzu, huno a dzhia nikotini ye ya bviswa kha sigarete nthihi huno a i penda kha muṭana wa mbevha. Mađuvha mañwe na mañwe a sumbe vho vha na iñwe mbevha i bvaho. Huno vha do tea u vha iñwe na iñwe u itela ngudo ya ilo ɖuvha. Huno vha vhea iyo mbevha nga ngomu lwa mađuvha a sumbe huno vha i bvisa, pfuko yo ima n̄tha *zwingafho* n̄tha ha muṭana wa mbevha. Dziñwe dzadzo a dzi vhuyi dza tshila lwa mađuvha a sumbe. Mbevha yo kundelwa u sudzuluwa. Ndo vha ndi si nga li lwa mađuvha mavhili kana mararu, u sedza kha itslo tshithu tshi vhonala ho tshi sa takadzi, tsho ima henefho na pfuko, huno tshi tshi khou gidima fhasi kha milenzhe yawe na zwithu zwa u ralo, pfuko khulukhulu ya n̄tha yo zwimba u ṭoda u swika hafu ya intshi kha muṭana wa mbevha, ya nikotini i bvaho kha sigarete nthihi. Huno ni elekanya uri izwo zwe vha imisa? Muthu muhulu o dzulaho tsini hanga henefho, huno biko li tshi elela kha tshifhatuwo tshawe, a ri, "Zwi nga a zwi khou tshuwisa, naa a si zwone?"

Nda ri, "Naa ni a daha?"

A ri, "Ee, muñe wanga, ndi a ita."

<sup>51</sup> Nda ri, "Zwo luga, zwenezwo ni fanela u litsha izwo." Fhedzi izwo ndi zwone, u swikelela, zwine vha nga kona u phuruva uri zwi a zwi ita.

<sup>52</sup> Zwino, ndo bvumba uri shango li a ima huno arali vhutshilotshedza vhu hone, murahu kha tshifhinga tsha u iledza musi ho vha hu na vhudi ha u rengisa bodelo la wisiki, zwi do vha kafumi zwavhudu u rengisa paka ya dzisigarete nga minwaha i si gathi u bva zwino, arali vhutshilotshedza vhu hone. Zwe vhifha kafumi u fhira wisiki. Zwone nga ngoho zwe ralo. Ndi—ndi muvhulai, uyo. Huno ni nga vhudza vhathu nga hazwo, huno a vha zwi thetshelesi zwituku. "Ndi mureri mukhethwa a vhumbuluwaho," huno vha zwi litsha zwa ḥuwa. Inwi ni a vhona, izwo ndi zwone, a vha dzhieli nzhele.

<sup>53</sup> Fhedzi, mbuno yanga ndi iyi, zwe zwithu zwa saintszi zwa kona u swikelela. Vho vha vhe hone ngei World Fair, vha tshi khou sumbedza nga ḥodisiso ya saintszi zwe saintszi ya kona u swikelela kha zwithu zwa mupo. Zwino, ri fhano ri tshi sumbedza nga ḥodisiso ya tshimuya zwe Mudzimu a kona u swikelela nga vhathu vha no tenda Ipfi Lawe. Zwino, u swikelela zwithu zwa saintszi, ni tea u shuma kha mitalo ya saintszi. U

swikelela zwithu zwa tshimuya, ni tea u shuma kha mitalo ya tshimuya. Zwino, inwi ni elekanya uri iyo mbevha yo vhonala i tshi ofhisia, kha zwe ya ita, ni tea u vha no i vhonan! Ndi tama nkhavhe ndi na tshifanyiso tshayo, nahone, u sumbedza. Arali ndo vha ndo kona u i wana, ndo vha ndi tshi do ralo, fhedzi vho vha vha si nga ni tendeli u vha nayo. Fhedzi dzhielani nzhele. A hu na zwiñwe, mbevha i tou tshila awara dzo engedzeaho dzi si gathi, dziñwe dzadzo a dzi vhuyi dza tshila mađuvha a sumbe. Fhedzi zwi elekanyeni!

<sup>54</sup> Inwi ni elekanya uri izwo zwe vhonala zwi na pfuko, ni fanela u vhonanuri maya u vhonala u hani we wa ḥanutshela Mafhungomađifha. Ni fanela u sedza uri ndi tshithu tshi ofhisaho hani. Nga ndila ine diabolo a fara munna huno a kona u shanda murwa wa Mudzimu a vha tshithu tshi ofhisaho, vhunga o ralo mađoni a Mudzimu. Oo, a nga di vha fithi dza rathi nga vhulapfu, huno mahada vhunga a thi ḥivhi uri mini, huno a vha na mavhudzi a dzikhèle na *mini*, izwo a zwi ambi tshithu. Ndi nga ngomu ha munna hune ha fhedza tshifhinga tshilapfu. Nga nn̄da ndi buse, naho zwe ralo.

<sup>55</sup> Zwe ralo kha u swikelela, huno zwenezwo vha do sumbedza, vha na itsi tshikhala tsha neleṭe na tshiñwe na tshiñwe, zwe vha sumbedza u swikelela, zwe vha kona u ita, huno vha tshi ḥalutshedza athomiki dzavho na zwiñwe-vho. Vho vha na u bvumba uri Chevrolet i do vha mini. General Motors yo vha nadzo kha ḥano, zwe yone... kha inwe, kha nwahadana u tevhelaho, tshine Chevrolet ya nwahadana ya do nga tshone. Yo vhonala kha nne vhunga pha—phaiphi ya gesi i na hudu nga nthay. Zwino, vho sumbedza ndila ine zwa do shuma huno ya fhisa nga maanda a athomo e na tshiñwe tshi no nga lufhafha lune lwa do takula luñwe huno lwa langa. Izwo zwi do vha tshi—tshihuya tshihulwane.

<sup>56</sup> Fhedzi ndi a mangala arali ri tshi nga humela murahu kha masiaṭari a Bugu ya Mudzimu, nga matsheloni ano, huno ra vhonazwine tshivhidzo tsha do nga tshone nga itsi tshifhinga, ra vhonanu swikelela he Mudzimu a hu ita. Oo, nga ndila ine zwiitea kha ili lifhasi zwa khou imela tshiñwe tshithu tshi no bva huñwe fhethu-vho; fhedzi musi tshi tshi rwa lifhasi, kanzhi tshi kha nyimele yo shandeaho ngauri tshi kha shango la swisi na tshivhi. Ni a vhonan? Fhedzi zwenezwo hu na u imela ha ngoho kha mafhethu a tshimuya a liñwe sia. U bva kha u vha kha masia mararu, zwenezwo sia la vhurathi i na u imela haļo. Ndo takalela nga maanda izwo.

<sup>57</sup> Zwino, kha ri tou dzhia u swikelela zwino he ra kona u vhu ita kha miñwaha yo fhiraho i si gathi. Zwino, kha ri thome nga tshiñwe tshithu tshe tsha bvelela. Ndi nga si ni fareledze, Murena a tshi funa, fhedzi ndi ḥoda inwi ni tshi vhonan izwi nga u ḥavhanya. Huno, oo, musi zwi tshi da kha nne, ndo pfa u nga ndi nga fhufhela kule. Zwino dzhielani nzhele, zwino,

miñwaha yo fhiraho i si gathi vhuendedzi ho vha vhu nga bere na goloi, hu si kule nga maanda ho fhiraho, tshifhinga tshilapfu tsho fhiraho. Ndo ita u reila hanga u mona hothe nga bere na goloi, na kha sale. Musi ndi tshee mutukana, wa miñwaha ya fumiñthanu nga vhukale, wa fumirathi, ndo namela bere, huno nda ya doroboni nga bere na gariki, ndi tshi khou reila heneffo nga itsi tshivhidzo hafha, ndila ya thophe ngei nn̄da, na luñwenwe lwo ñalaho tshene hafha dzi re n̄tha sa tshifhañ, kañkuñuku, tsha bere na gariki, ndi tshi isa na zwithu zwi tshi bva bulasini.

<sup>58</sup> Zwino ndi a zwi fhira kha modoro wa mbambe. Ndi phambano-de! Bere na ñuvha la gariki, zwenezwo ñuvha la modorokara.

<sup>59</sup> Huno zwenezwo ñuvha la bufho la da, izwo zwo bva kha liphasi zwa ya muyani. Zwino, arali ni tshi do sedza, vhunga ngoho ya uho u swikelela ho vha hu nga saints, arali muthu a tshi do vha na thalukanyo ya tshimuya huno a pñsesa, ho imela u swikelela ha ekonomi ya Mudzimu na Tshivhidzo Tshawe. Zwino mañuvha . . .

<sup>60</sup> Huno, elelwani, mudinda tshifhinga tshothe u da magumoni a Mulaedza. Ri a ñivha kha zwikhathi zwa tshivhidzo heneffo ndila ye ra wana izwo.

<sup>61</sup> Zwino, bere na mañuvha a gariki o vha e nnyi? Uho ho vha hu u fhela ha tshikhathi tsha Luther. Ni a vhona, mañuvha a bere na gariki. Vho tenda kha u itwa vho lugaho. Mudzimu a tshi disa Tshivhidzo tshi tshi bva kha Vhuroma, Vhukatolika, O tshi disa ngomu ha u swikelela hatsho ha u thoma ha tshimuya, uri, “O lugaho u do tshila nga lutendo.” Iyo o vha e mañuvha a bere na gariki, vhunga a tshi bva kha . . . kha mañuvha a bere na gariki, e a fhela.

<sup>62</sup> Zwino, u swikelela hu tevhelaho he munna a vha naho kha ndila ya vhuendedzi ho vha vhu modorokara. Huno, inwi ni a dzhieila nzhele, uri modorokara u engedza tshifhinga tshothe, kha maanda awo.

<sup>63</sup> Zwino, magumoni a tshikhathi tsha Wesley, tsho ñiswaho ngomu nga u swikelela ha tshimuya, khethefhadzo, zwine zwa amba uri tshivhidzo tsho vuwa kha tshiimo tsho itwaho tsho lugaho u yha kha tshiimo tsho khethefhadzwaho.

<sup>64</sup> Zwino, ndi ñoda inwi ni tshi elelwa izwi musi ri tshi khou tshimbila, uri tshivhidzo tshi no vhidzwa “tshivhidzo” a si Tshivhidzo. Tshivhidzo ndi Tshivhidzo, tsha tshimuya! Mahumi a zwigidi a tshi andiswa nga zwigidi a Vhalutere vhe vha mirado ya tshivhidzo, a vho ngo tsha ñivha nga ha u itwa vho lugaho u fhira nguluvhe yo ñivha nga ha sale ya nga thungo. Vhone—vhone a vho ngo ñivha tshithu nga hayo. Huno kha tshikhathi tsha Wesley, ndila ye mahumi a zwigidi a amba uri khethefhadzo yo lulama, a vho ngo tsha ñivha nga ha maanda

a Mudzimu a khethefhadzo u fhira—u fhira muvhudu a tshi ita nga ha zwienda zwa mahada. Ni a vhona, vhone zwa vhukuma a vho ngo zwi divha.

<sup>65</sup> Fhedzi ho vha hu na vhathu vhe vha zwi swikelela. Haleluya! Inwi ni a vhona hune nda khou ya hone. Ho vha hu na muthu we a divha zwe “u itwa vho lugaho” ha amba maɔoni a Mudzimu, “u vha na mulalo na Mudzimu nga kha Murena Yesu Kristo washu.” Ho vha hu na vhañwe Vhaluṭere vhe vha vha vha tshi fulufhedzea. Vho Li tenda. A hu londwi zwe tshivhidzo tsha Kaṭolika tsha amba, vho tenda Ipfi la Mudzimu huno vha ima Khało ngauri mudindā wa itsho tshikhathi o rera “o lugaho u do tshila nga lutendo,” nahone vho tenda kha tshiimo tsho itwaho tsho lugaho. Huno vho vha vha tshi kona nga tshilidzi tsha Mudzimu u swikelela u itwa vho lugaho, u vha na mulalo na Mudzimu nga kha Murena Yesu Kristo washu.

<sup>66</sup> Zwino, ri a dzhiela nzhele hafhu, hu da Vhamet̄hosni na khethefhadzo. Ho vha hu na vhanzhi vha avho Vhamet̄hodisi vhe zwa vhukuma vha vha vho khethefhadzwa. Zwino, hu na vhanzhi vhavho vhe vha zwi vhila huno vha sa divhe tshithu nga hazwo. Tshivhidzo tsha Methodisi tsho funza khethefhadzo. Vho ri vho tsela phasi huno vha lila huno vha humela murahu, huno vha ri, “Vhugala kha Mudzimu, ndo khethefhadzwa!” Huno vho ya vha bvela phanda na u tshila vhunga vho ita tshifhinga tshothe. Fhedzi vhañwe vha avho vhanna na vhasadzi vho vha vho khethefhadzwa zwa vhukuma kha zwithu zwa shango, huno vha tshila vhutshilo ho kumedzwaho, ho vhewaho nga thungo. Ndi ngani? Itsho tsho vha tshi tshikhathi tsha modorokara tshe tsha dzhia maan̄a a bere o engedzeaho. Modorokara, tshiedziso tsha T tsha kale nga khonadzeo tsho vha tshi maan̄a a bere a fuṭhanu kana fumbili. Ni a vhona, wo vha u na bere dza fumiṭhanu kana fumbili dzo pangwa kha nzhini ḥukhu yo raloho. Khethefhadzo! Musi saintsyo swikelela tshinwe tshithu nga—nga—nga zwa mupo, Mudzimu u khou swikelela tshinwe tshithu nga zwa tshimuya. Ni a vhona, tshinwe tshithu tshi khou bvela phanda tshifhinga tshothe. Huno zwenezwo nga murahu ha tshikhathī tsho khethefhadzwaho . . .

<sup>67</sup> Zwino, ri dzhia munna a no nga Bevington wa kale. Munna, we a vha a tshi do vha o vha munna muhulwane u fhira Mukomana Bevington? Huno sedzani kha John Wesley, George Whitefield, Finney, Knox, vhanzhi vha avho Vhamet̄hodisi vhe vha zwi bvela biko. Vho tshimbila nga kha vhudzulavhafu kha liphas, tshengelo, ngauri vho tenda uri Ipfi la Mudzimu lo funza khethefhadzo, ligi la vhuvhili la tshilidzi, huno vha dzula nało, huno vha li tenda, huno vha ita zwimangadzo ngalo. U tou fana na Henry Ford na vhañwe vho ita nga vhuendedzi ha tshiedziso tsha T Ford n̄ha kha sia la bere, o sudzulutshela phanda na nga n̄ha ha duvha la bere. Huno Wesley o sudzulutshela phanda nga ngomu nga n̄ha ha duvha la Luther.

<sup>68</sup> Huno zwenezwo hu da Pentekoste. Huno sa saintsia ya shango vho vha vha tshi kona u swikelela mo—modorokara, Wright Brothers vhe vha sika kana vha ita, vha maga, kha ndi ri, bufho, fulaimatshini yo vha i kule nga n̄tha ha modoro kha lifhasi, ngauri yo fhufhela tuyani. Zwino, Wright Brothers, nga kha u swikelela havho, vho vha vha tshi kona u dzhia saintsia huno vha phathena tshiñwe tshithu hafha kha lifhasi, u sumbedza uri ho vha hu na tshithu tshihulwane tsha tshimuya tshi no ḥoda u bvelela. Huno musi Wright Brothers vho vha vha tshi kona u swikelela u bvisa milenzhe ya muthu kha mavu, Pentekoste yo wa huno ya fhufhela tuyani nga tshifhiwa tsha tshimuya, na ndovhedzo ya Muya Mukhethwa. Yo fhufhela tuyani! Oo, Haleluya! A ḥusa milenzhe yawe kha mavu u itela uri a kone—a kone u bambela u mona hoṭhe, a ya n̄tha tuyani! Oo, o vha e kule hani nga n̄tha ha modorokara! O vha e n̄tha tuyani. O vha a tshi khou khokhonya na u vhudzula na u om̄ba, fhedzi o vha a tshi khou fhufha. Ni a vhona, zwine munna a swikelela kha lifhasi, ngauri zwe itwa nga zwithu zwi sa vhonali. Mudzimu o vha a tshi kona u swikelela tshiñwe tshithu nga vhathu vho ḫalaho Muya vhe vha vha vhe na ndala na ḫora, na avho vhane vha ḫo dzula na Ipfi.

<sup>69</sup> Zwino, arali Wesley o vha a songo kanda kha Ipfi huno a wana dzina ḫivhi murahu hawe, a vhidzwa munna a pengaho, na tshiñwe na tshiñwe-vho, o vha a tshi ḫo vha a songo kona u swikelela. Fhedzi Wesley o vha e muñwe wa vhorasaintsi vha Mudzimu vhahulwane. Luther o vha e muñwe wa vhorasaintsi vhahulwane vha Mudzimu. A vho ngo londa zwe zwivhidzo zwa amba, zwe madzangano a amba. Luther ho ngo londa zwe Vhakaṭolika vha amba, o tenda uri o lugaho u do tshila nga lutendo! Haleluya! Huno o dzhia khemikhaļa ḫza Mudzimu ḫza Ipfi huno a zwi vhea fhethu huthihi, huno tshividzo tsha sudzuluwa nga lutendo. Wesley o zwi vhea fhethu huthihi nga Malofha, huno a zwi phuruva nga Malofha, huno tshividzo tsha khethefhadzwa. Vhapentekoste vho tenda uri ndovhedzo ya Muya Mukhethwa, uri pfulufhedziso ndi yanu na vhana vhanu na avho vha re kule, huno vha vhea khemikhaļa fhethu huthihi dici tshi bva kha Ipfi, huno vha sudzulutshela ngomu tuyani. Haleluya! Vho bva, ngauri vho vha vha tshi kona u phetha zwe raloho.

<sup>70</sup> Zwino, ndi ngani avha vhanna vho ita izwi? Ndi ngani Luther o zwi wana? Ndi ngani Wesley o zwi wana? Ndi ngani avha vhañwe? Ngauri matheriala o vha e hafha kha lifhasi e a vha a tshi kona u ita tshiedziso tsha T tsha Ford. Ho vha hu na mudagasi we wa vha u tshi nga ita uri mo—modoro u gidime. Ho vha hu na piṭirolo kha lifhasi, ho vha hu na dzipistoni na zwiñwe-vho, mekhanikhe yoṭhe, khaboni ya dzheneretha, na tshiñwe na tshiñwe tshe vha vha natsho u sika itshi tshithu, huno dzhiani nzhele yo thoma . . . tshi maga, kha ndi ri, hu si u zwi sika.

Mudzimu ndi Musiki, O vha nazwo zwi hafha. Fhedzi munna we a zwi tenda fhethu ha saints, ha mupo, o zwi ḥodisisa, huno vho vha vha si nga dzhii “hai” sa phindulo. Vho zwi tenda. Yo vha i nzumbululo mbiluni dzavho, huno vho dzula nazwo u swika vha tshi ḥodisisa uri izwo zwe vha zwe luga.

<sup>71</sup> Iyo ndi n̄dila ye uyo John Wesley a phuruva khethefhadzo. Ma—matheriala wo vha u hafha, Ipfi la Mudzimu lo zwi disaho. O zwi tenda! A hu londwi arali tshivhidzo tshothe, tshivhidzo tsha Anglikheni na vhothe vha mu ḥanutshela, o dzula na thovhedzo yawe nahone a i phuruva. Huno Vhapentekostala vho da u mona hothe huno vha phuruva, ngauri vho vha v̄he na matheriala, uri Muya Mukhethwa wo vha wo luga. Huno vha fhufhela tuyani.

<sup>72</sup> Naa no dzhiela nzhele, tshiñwe—tshiñwe tsha izwo zwe swikelelwaho zwa saints zwe fhelekedza tshiñwe, tsha khwinisa tshiñwe. Ho vha hu tshivhumbeo tsha n̄tha fhedzi. Ni a vhona? Modorokara wo vha u tshivhumbeo tsha n̄tha tsha vhuendedzi u fhira bere, huno bufho lo vha li tshivhumbeo tsha n̄tha tsha vhuendedzi u fhira modorokara, fhedzi zwe fhelekedzana. Maanda a bere! Amene! Arali ayo e maanda a bere, mini-ha nga ha maanda a Mudzimu? Mini-ha nga ha Muya Mukhethwa na maanda? Maanda a Muya Mukhethwa ane a nga ni ita o lugaho, maanda eneo mathihi a Muya Mukhethwa a nga ni khethefhadza. Maanda eneo mathihi a Muya Mukhethwa ane a ni khethefhadza, a nga ni dadza nga Vuhone Hawe. Huno saints thukhu, ye ya sa divh ABC dzayo, yo zwi wana. Ndi ngani? Vho vha vhe vhorasaintsi vha mya. Amene. Vho vhona tshithu, vho zwi tenda. Munna o zwi ita nga pfunzo, rasaintsi wa mvelo. Rasaintsi wa tshimuya o zwi ita nga nzumbululo. Muthihi nga pfunzo, munwe nga nzumbululo. Oo, arali ri tshi nga tou vula. Hu na tshaka dzothe dza matheriala hafha. Izwo ndi zwone.

<sup>73</sup> Zwino ro dzhiela nzhele nga ndila ine zwa tshimbila, ndila ye Mudzimu a vha a tshi kona u swikelela izwo. Kha Vhapentekostala, vho fhufhela tuyani. N̄dila ine vha... Zwenezwo ha vhuayedzedzwa tshivhidzoni, u fhodzwa, u amba nga dzindimi, nzumbululo, zwifhiwa zwa Muya. Izwo, Luther ho ngo divha tshithu nga hazwo, na Wesley ho ngo ralo. A vho ngo zwi funza na khathihi, a vho ngo divha tshithu nga hazwo. Zwe vha zwe bva kha tshikhathi tshavho.

<sup>74</sup> Mulandu, naa Henry Ford u do vha o divhya mini nga ha bufho nga ilo duvha phanda ha Wright Brothers? Ni a vhona, vha do vha vha songo zwi divhya. Zwenezwo zwithu zwithihi zwe munna heneffo murahu naho a tshi khou reila bere na goloi, minwaha ya madana mañanu yo fliraho, o vha a nga si divhya tshithu nga ha gariki i si na bere, Bivhili fhedzi ndi yone ye ya ri i do vha heneffo. Ngauralo vho vha vha tshi kona u zwi swikelela nga ḥodisiso ya saints. Huno musi zwe no byelela kha lifhasi, Mudzimu o zwi imela nga u swikelela nga Tshivhidzo Tshawe.

"Ngauri zwithu zwi re hone, zwi a bvelela, zwo itwa nga zwithu zwine zwa sa bvelele." Ni a vhona, tshivhoniswa tshazwo.

<sup>75</sup> Zwino, zwino tshikhathi tsha Pentekoste, tsha minwaha ya futhanu yo fhiraho, tsho rumela mvuseledzo u mona na shango, tshi na tshaka dzothé dza tshiñwe na tshiñwe khatsho. Huno vha na dziphodzo, huno vhulwadze vhu tshi fhodzwa, vhaholefhali vha tshi fhodzwa, vha mabofu u vhona hu tshi vhuyedzedzwa khavho. Naa ni vhona u nga shango lo zwi tenda? Hai, muñe wanga. A vho ngo tenda Luther. A vho ngo tenda Wesley. A vho ngo tenda Vhapentekostała. Fhedzi Mudzimu o dzhia Bivhili, kha thodisiso yawe, munna we a vha a tshi funa u zwi ita, o dzhia Bivhili huno a i sumbedza uri Lo vha li lone. Amene. Zwino ri tea u elelwa izwo, ri tea u zwi tenda, ri tshi vhona uri izwo zwithu zwo vha zwi tshifanyiso. Zwino ro tshila ra fhira tshikhathi tsha Pentekoste. Tshikhathi tsha Pentekoste, vhunga ndo no phuruva henefho, ha bviwa ha dzenwa kha tshikhathi tsha Laodikea.

<sup>76</sup> Fhedzi zwino tshiñwe tshithu-vho tsho bvelela. Ri na muendatshikhalani zwino. John Glenn o vha e muendatshikhalani washu wa u thoma. Huno ri wanulusa uri izwo zwi kule nga maanda nga n̄tha ha bufho, bufho li nga ya fhedzi u swika kha mukwaṭulo wayo na zwiñwe-vho. Fhedzi izwi zwi nga maanda a athomo, maanda mahulwane ane a mu tsikeledza n̄tha nga maanda u fhira bufho, bufho na lone—lone a liho khaho. Izwo ndi zwone. O kona u ita izwo. Zwo luga. Zwino ri na muendatshikhalani, tshikhathi tsha mvelo.

<sup>77</sup> Huno, elelwani, muđinda u a da magumoni a mulaedza wa u thoma, tshifhinga tshothe. Ro phuruva izwo henefho. Zwino ri kha mutalo wa muendatshikhalani. Amene na amene! Mudzimu o . . .

<sup>78</sup> Saintsyo kona u phuruva uri hu na muendatshikhalani ane a nga ya kule nga maanda u swika ni tshi kundelwa u zwi vhona nga mađo aňu a mvelo, huno zwi nga kona u ya naho hu na mukwaṭulo muñwe henefho kana hai. A nga kona u ya a bva ngauri ndi ngomu ha thannga i re na mukwaṭulo, huno a nga kona u ya ngei n̄tha huno a alavha u mona hothe huno a vhona mashango u mona hothe. Muendatshikhalani! Yawee, nne-nne, ndi tshikhathi-de tshi no khou da. Ee, muñe wanga, iyani seli ha zwiñwe zwithu zwa mupo, huno swielani thwii nn̄da ngomu seli.

<sup>79</sup> Naa zwi imela mini? Tshikhathi tsha tshimuya, tshifhinga tsha tshimuya u ya hune Mudzimu a khou yo vha na vhaendatshikhalani vha tshimuya. Amene! Vha hone fhano zwa zwino! Haleļuya! Magoni a maya ane a nga ya seli ha tshiñwe tshinoni, a alavha nga n̄tha ha tshiñwe na tshiñwe, vhaendatshikhalani vha tshimuya (Vhugala!) vhane vha nga dzhia Ipfi la Mudzimu huno vha phuruva uri Ha shanduki mulovha, ñamusi, na lini na lini. Muendatshikhalani wa

tshimuya! Yawee, nne-nne! Vhugala! Izwo zwi nnyita uri ndi pfe ndi wavhuđi, u tshila kha itshi tshikhathi! Zwino ndi tshithu tshi mangadzaho-de kha muendatshikhalani wa tshimuya! Ni a vhona? Naa ndi mini? Naa vhorasaintsi vha mvelo vho ita mini? Vho kona u swikelela izwo. Huno Mudzimu, nga kha munna a no ḍo dzula na Bivhili huno a amba uri “Ha shanduki mulovha, ɿamusi, na lini na lini,” huno a sa ofhi pfulufhedziso ya zwine nnyi na nnyi a amba, a dzula nayo. Naa ndi mini? Inwi ni vha muendatshikhalani ane a nga ya kule nga maanda seli ha kuelekanye kwa dinomineisheni. Zwi seli ha tshiňwe na tshiňwe. Tshi seli ha zwithu zwa tshivhidzo. Nn̄da hangei na Mudzimu na Ene e eþe ni a dzula. Vhaendatshikhalani!

<sup>80</sup> Huno, elelwani, u itela u wana muendatshikhalani, vho ḍo tea u dzhena thanngani, huno a vha koni u qilanga. Zwi dzhia maanda a radara, maanda a athomo u mu takulela nn̄da seli ha tshikhala, huno zwenezwo u langwa nga thawa. Vhugala! Vhaendatshikhalani vha tshimuya vha Mudzimu vha a fana! Vha da ngomu ha thannga, na ngomu fhethu, ngomu ha muvhili, huno uyo muvhili ndi Muvhili wa Kristo. Zwenezwo, a zwi khavho, zwone-zwone a si zwone, ho vha hu si John Glenn, ho vha—ho vha hu thannga ye a vha e khayo. Ho vha hu mutshini. O tou dzula benefho, ho ngo ita tshithu. O tou vha na tshivhindi tsha vhukuma tsho t̄ambaho u takuwa benefho n̄tha huno a ri “zwo luga,” ngauri saints yo zwi phuruva.

<sup>81</sup> Mudzimu u tqoda munna ane a nga kona u dzhena kha Kristo huno a tenda ūri Ha shanduki mulovha, ɿamusi, na lini na lini, huno a sa dzhie kuelekanye kwawe, a sudzulutshela nn̄da ngomu tshikhalan, a tshi langwa nga Muya Mukhethwa. Amene. Vhaendatshikhalani! Whew! Ndi kule zwingafhani murahu u bva kha bere ya kale na goloi! Ndi kule zwingafhani u bva kha buflo! Ndi kule zwingafhani u bva kha u itwa vho lugaho, khethefhadzo, ndovhedzo ya Muya Mukhethwa! Vha khou da kha magoni. Tsha u thoma, vho vha vhe dzitswina, zwenezwo dzi vha dzikhuhu, zwenezwo dzi vha dzikholomo, fhedzi zwino ndi dzone magoni. A hu na ane a nga zwi tevhela!

<sup>82</sup> Goni ndi tshinoni tsha tshipentshela. Tshi nga kona u ya n̄tha u fhira tshiňwe tshinoni-vho. Lo dilugisela u vhona, u vhulunga ndili ya thoho yawe musi a tshi swika ngei n̄tha. Hu na vhathu vhane vha nga fhufha vha ya n̄tha huno vha sa qivhe hune vha vha hone nga murahu ha musi vho no swika benefho, ngauri ha koni u vhona phanda u fhira zwe a fhufha. Fhedzi hu na vhaňwe vhane vha nga sedza murahu huno vha vhona zwine zwa khou bvela phanda. Ilo ndi goni. Li nga si kone u ima benefho u swika li tshi sedza nga hangei, huno la lindela u swika li tshi pfa mulaedza u no mu vhudza zwine a tea u amba. Uyo ndi muendatshikhalani wa Mudzimu. Ni a vhona? Lo tevhela u swikelela huňwe hoþe, ndi ngani li sa nga tevheli uhu u swikelela?

<sup>83</sup> Vhaendatshikhalani vha Yesu. Amene. A vha vhuyi vha ṭuwa nga maanda awe. O pandelwa. Tshithu fhedzi tshire a ita ndi u dzhena khatsho. Ndi zwenezwo fhedzi zwine na tea u ita zwone, ndi u dzhena khatsho, Mudzimu u do thuntsha na u vhea. A hu tsha vha maanda a piṭirolo, kana tshiñwe tshazwo, iñwe ndaela ya tshivhidzo. Ndi maanda a athomo a Mudzimu a no ni sukumeda thwii nnda ha tshikhala hangei. Amene. Oo! Mulandu, naa ndi mini, avha vhaendatshikhalani? Vha na...Vhone na khathihi a vha ṭodi...vho sokou dzhia maipfi u itwa vho lugaho, hu sokou vha ipfi khathefhadzo, u kha Bivhili yothe. Amene. O dzhena khayo yothe, ngauri u a divha uri Mudzimu u a kona u ita pfulufhedziso iñwe na iñwe ye A vhuya a ita. Utou dzula henefho huno a lindela. Yawee, nne-nne! Ipfi li tea u Divhonadza. Arali ni tshi lwala, huno ni muendatshikhalani, itonu elelwa, dzenani kha Kristo, lindelani u vhalela. Ndi zwenezwo fhedzi. U do thuntsha gulu, ni songo whilaela. Zwino, no kona u zwi swikelela ngauri Mudzimu o zwi fulufhedzisa.

<sup>84</sup> Zwino, muendatshikhalani ndi muhulwane hani, izwi zwithu zwino, u bva kha maanda a bere ya kale, maanda a modorokara, huno—huno maanda a bufho! Inwi ni a vhona, muendatshikhalani, u n̄tha nga maanda lune a kona u vhona zwithu zwine munna a re kha bere na goloi a kundelwa u zwi vhona. U n̄tha nga maanda lune a kona u vhona zwithu zwine munna a re kha modorokara a kundelwa u zwi vhona. U n̄tha nga maanda lune a kona u vhona zwithu zwine munna a no khou fhufhisa bufho a nga si kone u zwi vhona. O no di ya thwii nnda ha tshiitisi. Amene. Vhugala! Izwo ndi zwone. O no di ya seli ha u swikelela huñwe na huñwe hune munna a nga kona u u elekanya, dzangano, dinomineisheni, “Ni tea u vha Methodisi, Mubaphuthisi, kana na vha wa *itsi* tshiñwe, vhuthihi, vhuvhili,” kana tshiñwe na tshiñwe tshi re tshone. Ndi ene muendatshikhalani, o alavhela thwii nnda ngomu tshikhalan. Amene. Ndi livhuwa hani!

<sup>85</sup> Huno, elelwani, muendatshikhalani u langwa nga maanda a radara. Ni vha vhona vha tshi disa John Glenn ngomu. Nda sedza fhasi henengei Cape Canaveral huno nda vhona itsho tshithu tshihuluhulu tsha radara, huno inwi a no ngo kona u mu vhona huñwe fhethu, fhedzi no kona u amba he a vha e hone nga ndila ye iyo radara ya vha i tshi khou sumba. Afho ndi hone he a vha e hone. Ni a vhona? Huno ri na radara, na yone-vho, thabelo. Thabelo ndi maanda a radara a no sumbedza ndila muendatshikhalani. “Humbelani Khotsi tshiñwe tshithu nga Dzina Langa, Ndi do tshi ita.” Ni a vhona? Nga ndila fhedzi ine thabelo ya vha i tshi khou tshimbila, inwi ni nga vhona ndila ine a khou i sumba. Amene. Nga ndila fhedzi ine tshivhidzo tsha khou rabela, inwi ni nga kona u vhona ndila ine misaele dla do fhufha. Inwi ni nga zwi amba nga ndi—ndila ine

vhaendatshikhalani vha khou enda, nga ndila ine tshivhidzo tsha khou rabela.

<sup>86</sup> U a rabela, “Murena, a hu na zwiñwe a ri tendi kha izwi zwithu.” Uh-oh! Uyo muendatshikhalani u khou tsela fhasi. Ndi zwenezwo fhedzi. Oo, mukomana!

<sup>87</sup> Fhedzi musi zwithu zweþhe zwi tshi konadzea, “Murena, shululela Muya Wau kha tshivhidzo huno u tshi nee zwine ra zwi tða. Shululela kha riñe Muya Mukhethwa, huno u tou ri bvisa kha tshiitisi tshiñwe na tshiñwe, huno ra tenda uri iþo Ipfi ndi lone huno ri khou yo ima henefho Ngalo.” Sedzani tshikirini zwenezwo tshi tshi thoma u imisa þoho yatsho nga iyi ndila, ni a vhona. Muendatshikhalani u khou ya phanda na phanda na phanda, kule nþha tuyani. Hum! Zwi a mangadza! Zwi ya seli ha iñwe dinomineisheni, zwi ya seli ha iñwe ndaela.

<sup>88</sup> Zwino elelwani, u itwa vho lugaho zwi kovhelwa ndaela, izwo ndi zwone, inwi ni tenda uri u itwa vho lugaho vhunga huñwe fhetu vhunga Vhaþtere na iñwe ya sethelaithi dzavho. Izwo ndi zwine vha vha zwone, dzisethelaithi, fhedzi a dzi athu takuwa mavuni. Inwi ni dzhia khethefhadzo na sethelaithi dzavho. Ni ri, “Naa sethelaithi ndi mini kha Muþtere?” Zwo luga, Tshivhidzo tsha Kristo na itsho tshivhalonyana henefho. “Naa dzisethelaithi ndi mini kha Wesley, kha Vhamethodisi nga u ralo?” Nazarini, Pilgrim Holiness, sethelaithi dzavho. Huno zwenezwo Mupentekostaña na sethelaithi dzavho, bufho, ngoho, vhuthihi, vhuvhili, vhuraru, vhuña, izwi zweþhe u ya nþha, Foursquare, Tshivhidzo tsha Mudzimu, zweþhe zwi tshee na ndaela kha dinomineisheni.

<sup>89</sup> Fhedzi muendatshikhalani u vunda tshithivheli tsha mubvumo. U tou ya phanda. Ha pfi tshithu. Yawee, nñe-nñe! U tou ya seli ha zweþhe. Ni a vhona, u kule nþha ngomu henefho hune zwithu zweþhe... U khou tshila Vhuhoneni ha Mudzimu. Ee, mune wanga. O zwi fulufhedzisa, Ipfi Lawe li ri Ndi ene Tshifhe Muhulu. Inwi ni a vhona iyo radara khulukhulu yo dzulaho afho mnða i tshi sudzuluwa? Mu sedzeni mutanganoni. Inwi ni nga sedza musi Muya Mukhethwa u tshi tsela fhasi nga tshivhumbeo tsha Khavhu ya Mulilo vhunga O fulufhedzisa. Munna ha khou yo dzula henefho a tshi khou lingedza u tða Naþo nga saints, mutendi wa vhukuma. Naa U mini? Ndi ene Tshikirini tsha Radara. Mu sedzeni. U thoma u sumba u mona hoþhe. Amene. Huno zwi kweta uyo muñwe henefho, uyo muendatshikhalani. “Inwi ni na pfuko. Inwi ni na tshikeneñene. Inwi ni Mukeneñene a bvaho fhetu ho raloho. Murena Yesu u ni ita zwavhudì.” Haleþuya! O amba. Vhaendatshikhalani! Yawee, nñe-nñe, ndi Tshivhidzo-de tshire Tsha tea u vha tshone! Tshi fhano.

<sup>90</sup> U swikelela ho phuruviwa nga saints. Vho zwi sumbedza nnða ngei World's Fair. Ro zwi wana. Amene. Zwi khou

phuruviwa hunwe na hunwe, ri khou tshila tshifhingani tsha vhaendatshikhalani. Ni a vhona, “Tsho itwa nga zwithu zwi sa vhonali.” Ni a vhona, tsho itwa nga tshiñwe tshithu tshi bvaho Tađulu. Ndi Mudzimu Ene muñe; inwi ni kha iyo saidzi ya vhurathi. Ndi maanda a Mudzimu. Ro vha fhethu ho raloho u swika ro no takulelwa n̄tha ngomu ha iyo saidzi, seli ha itshi tshithu tsha u ya tshaloni na u tswimila, itshi tshithu tsha u vhea siliga kha gombo la vothi huno ni tshi ri salani lwa lini na lini. Haleļuya! Ro no di dzhena kha muendatshikhalani, huno ra alavha nn̄da seli huno ra vhona hune tsha vha hone, huno ra humela murāhu. Vhugala! Ri khou ya Hayani seli ha lutombo hangei, seli ha u humbula ha munna. Nga ndila ine vha kale vha do shandukiswa nga tshikhathinyana tsha u poidza ha ito. Ri do vha vhona heneffo, vhakalaha na vhakegulu, vho vha vhaswa hafhu. “Naa ni ḋivha hani?” Bivhili i a zwi funza! Huno, Mudzimu o thuntsha muendatshikhalani n̄tha ngomu heneffo, ri a ḋivha zwine zwa vha nga hazwo, u vhuya murahu. A hu na mbilaelo nga ha u fa. U fa a si tshithu. Ngoho, ndi u tshila. Ee, muñe wanga. Ndi u tou wana milenzhe yanu yo ṭuwa mavuni u itela uri ri ṭuwe. Oo, zwi mangadza hani!

<sup>91</sup> O fulufhedzisa izwi zwithu zweithe kha Ipfi Lawe, ngauri Vhaheberu 13:8, “Ha shanduki mulovha, namusi, na lini na lini.” Zwithu zwe A vha a tshi zwi kona, Mudzimu o kona u swikelela nga munna muthihi a no do dikumedza khazwo, kha Ipfi la Mudzimu, ngauri, vhunga ndo amba madekwe, ene tshifhinga tshothe o ima na Ipfi.

<sup>92</sup> Zwino, inwi ni a ḋivha uri mini, vhaendatshikhalani zwa vhukuma a si tshithu tshiswa. Mini-ha nga ha Eliya? Arali o vha a si muendatshikhalani, n̄ne a thi athu vhona muñwe na khathihi. O ya he John Glenn a sa elekanye u ya na khathihi.

<sup>93</sup> Zwe luga, inwi ni a ḋivha, vho vha na tshithihi tshe tsha dzhia nga mutshimbilo u ongolowaho nga tshiñwe tshifhinga. Dzina lawe lo vha li Enokho. O tou tshimbila phanda n̄tha, fhedzi o vha a muendatshikhalani. Ngoho. O newa mutsiko, ho ngo tea u shandukiswa, a hu na tshithu. Hai, o vha o no di newa mutsiko musi a tshi thoma u tshimbila. O tou tshimbila heneffo nn̄da ha saidzi dzothe na tshiñwe na tshiñwe, a tshimbila nn̄da Vhuhoneni ha Mudzimu.

<sup>94</sup> Huno ngauralo muthihi wa kale o vha o neta huno a si tsha kona u tshimbila. O ṭaṭa na Jesebele, na mavhudzi mapfufhi awe na pennde na tshiñwe na tshiñwe, u swika Mudzimu a tshi tou rumela goloi phasi, a ri, “Ndi do u tendela u namela n̄tha nga kha makole masiari ano.” Muendatshikhalani!

<sup>95</sup> Nga tshiñwe tshifhinga Muñwe a da u fela riñe rothe, huno Mudzimu a Mu vusa nga duvha la vhurar. Huno vhanna vha madana maṭanu vha ima heneffo huno vha Mu vhona a tshi dzhiwi n̄tha ngomu ha makole, e na Ipfi li tshi ri, “Ndi do da

hafhu." Huno Vharuňwa vha vhuya huno vha ri, "Yesu onoyu muthihi we a takulelwa ntha, Muňe Muendatshikhalani, u do vhuya hafhu nga uyo mukhwa, nga lushaka luthihi lwa fulaňa ine A vha ngomu hayo, muvhili, u sa fi." Haleļuya! "Huno ri do vha na muvhili u no nga muvhili Wa Ene muňe wa vhugala, ngauri ri do Mu vhona sa zwine A vha zwone." Oo, haleļuya! O vunda zwithivheli zweþhe zwa mubvumo, zwithivheli zwa u humbula zweþhe, huno ra ya seli ha u humbula, ra ya seli ha tshiňwe tshithu-vho.

<sup>96</sup> Huno munna muňwe na muňwe a no vhuya a tshirela Mudzimu u do tea u ya seli ha zwiňwe zwipfi zwiþanu, u do tea u bvela phanda kha iňwe pfunzo, u swikelela huňwe na huňwe he munna a kona u ita, huno tendani Mudzimu, a vunda tshiňwe na tshiňwe huno a tshi vhea nga thungo, huno a swiela ntha u swika Taðulu. Amene. Oo, zwe vhaendatshikhalani na vhaňwe-vho vha kona u swikelela kha mupo, Mudzimu o kona u zwi ita nga tshivhidzo Tshawe, nga tshimuya, nga vhatthu vha tshimuya vha no do tenda. Munna muňwe na muňwe na musadzi ane a sa do ofha nga tshifhinga tshiňwe na tshiňwe, nga tshiňwe tshifhinga u dzhia Mudzimu nga Ipfi Ławé, ndi muendatshikhalani.

<sup>97</sup> Vha do ri, "Oo, izwo a zwi pfali. Ipfani avho vhatthu vha tshi lila, vha tshi ɻavha mukosi, ni a pfa izwi? Oo, izwo a zwi vhuyi zwa pfala." Izwo a zwi pfesesi.

<sup>98</sup> Muňwe muthu o mmbudza, a ri, "Inwi no vha na muloro, Mukomana Branham, musi no no vhona afho fhethu." A tho ngo vha na muloro na khathihi. Ndo vha ndo ima ntha heneffo ndo sedza fhasi he nda vha ndo edela kha mbete. Ndi nga di vha ndo vha ndi tshi khou lora mmbeten, fhedzi ndo vha ndi ntha hafha ndo sedza fhasi kha nne muňe. Ni a vhona? Oo, U tou nnęa u namela ha muendatshikhalani muþuku nga ayo matsheloni, a ntsumbedza hune nda tea u ya hone. Huno zwi sumbedza uri radara yanu i do zwi sumba, kokotolo hune zwa vha hone zwino. Zwino, a si nnę, ndi Ene. Ndi maya wanu kha inwi u no tenda uyo Mulaedza, huno ndi Muya Mukhethwa wo imaho hafha hune nda vha hone, huno ni zwi tenda nga u ralo huno zwi a nambatela; huno hafha zwi da heneffo murahu, phindulo yanu. Muendatshikhalani! Amene. Oo, zwi mangadza hani! Ee, muňe wanga.

<sup>99</sup> Tshihulwane, saintsyo ita tshithu tshihulwane. Huno, inwi ni a ñivha, vho tshi ita tshihulwane nga maanda u swika vha tshi ñitshuwa. Izwo ndi zwone. Vha na vhuhulwane ho ñalesaho u swika vha tshi ñiofha. Inwi ni a ñivha, vho amba hafha lwa miňwaha i no ñoda u swika mivhili yo ñhiraho, ho vha hu "miniti miraru phanda ha vhukati ha vhusiku." Vho vha vha tshi tshuwa. Naa vha khou ita mini? Zwino, munna o kona, nga murahu ha zwa mvelo zwawe kha muendatshikhalani wa mvelo, zwino o kona u swikelela uyu muendatshikhalani. Huno u a elekany

zwino zwauri musi Rashia i tshi vhuya ya thoma u thuthubisa ili shango, kana liñwe shango, u khou yo alavhela ñwedzini.

<sup>100</sup> Ndo vhona tshithu tshiñku tsha u nakesa liñwe duvha, tshone zwa vhukuma tsho vha tsho naka. Ho vha hu na Vhaindia vhavhili vhañku vho imaho, vha tshi khou ambisana, dzithumbu khulwane ñukhu, inwi ni a ñivha, nga u ralo, na muthenga nthu murahu ha thoho dzavho, huno vha tshi khou khaðana, vha tshi phaphathana. Ha pfi, “Mukomana, riñe hu si kale ri ðo vha na shango murahu kha riñe, munna mutshena u khou ya ñwedzini.” Ha pfi, “Ri ðo vha na shango ñashu murahu hafhu. Muthu mutshena u khou ya ñwedzini, ngauralo ri ðo vha na shango ñashu hafhu.” Ndi zwe lugaho.

<sup>101</sup> Oo, zwino vhothe vho lindela u ita tshithu tshoñthe tsha zwikoñkoñti zwa avha vhaendatshikhali u itela uri vha kone u dzhena ngomu hazwo. Huno tshi—tshikhathi tsha athomo tshi a ña, vha khou yo sumbedza shango, vha tou kokodza *itshi* huno hothe-hoñthe kha ñwedzi, vha tshi dzhia lwendo lwa u ya ñwedzini, huno vha vha nawo hoñthe-hoñthe, huno ngauralo vha ðo tou vha itela inwe ekonomi kha ñwedzi. A vha khou yo swika henengei. A thi tendi, nga mbilu yanga yoñthe, vha ðo vhuya vha swika henengei. Ni a vhona?

<sup>102</sup> Fhedzi, nga tshifhinga tshenetsho tshithihi, mutendi wa ngoho kha Kristo o no dzhena kha Muendatshikhali wawe. Amene. “Nga Muya muthihi roñthe ri lovhedzelwa ngomu ha Muendatshikhali muthihi.” Oo, Muvhili muthihi! Zwi nga kondelela luñwe lushaka lwa mutsiko. Vho zwi lingedza nandomi ya mulilo, zwi ðo kondelela mulilo, ngauralo u nga si swé; u fhisa kasumbe. Vho lingedza kha tshiñwe na tshiñwe, zwi bva nga ndila yo lugaho tshoñthe. Ngauralo vhorasaintsi vha tshimuya vho kona u phuruva uri vha nga kona u kondelela tshiñwe tshithu. Ngauralo mutendi wa vhu—vhukuma wa tshimuya o ñifhelekedza huno a dzhena kha Muendatshikhali wa Mudzimu, Kristo, a tshi tenda zwithu zweñthe; a tshi vhea nga thungo ndaela dzawe, ndaela dla Pentekoste, ndaela dla Baphuthisi, ndaela dla Methodisi. U kha ñi bva u dzhena kha Muendatshikhali, a tshi ri, “Murena, zwe luga lini?” Yawee, nne-nne! Naa u khou ita mini? U khou ña kha miñangano miñku, u khou thetselesa kha u vhalela ha Ipfi Lawe.

<sup>103</sup> Inwi ni a ñivha, musi John Glenn o dzula henefho nga ayo matsheloni, o vha a tshi khou thetselesa u vhalela. “Fumi, tahe, malo, sumbe, rathi, ñhanu, ina, raru, mbili, nthihi, zero.” Ni a vhona? Huno zwino o swika fhetu hune zwa ri, “Ndi miniti miraru u swika tshiñwe tshithu tshi tshi khou yo takuwa.” A vha ñivhi zwine zwa vha zwone. “Miniti miraru u swika ri na awara ya zero.”

<sup>104</sup> Zwino dzhielani nzhele, mutendi wa vhukuma u kha Kristo. A hu tshee na u hañulwa kha avho vha re kha Kristo. Rerani Ipfi,

dzulani heneffo na Ipfi. A thi londi zwine dinomineisheni dza amba, vha khou yo Li tenda. Vha do ima heneffo, ngauri ndi Ipfi. Vhadinomineisheni vha raha u ḥaṭa huhulwane huno vha vha khaula, vha vha pandamedza, huno vha ri “vha a penga,” tshinwe na tshinwe tsha u ralo. Fhedzi vha dzula heneffo na ilo Ipfi. Samusi Mudzimu o zwi fulufhedzisa, vha dzula heneffo ngauri ndi vhone vhaendatshikhalani. Vha tenda Ipfi. Huno a hu na ndila ya u vha sunda. Vha khou yo ni ḥutshela naho two ralo, ngauralo itonu—itonu vha litsha vhe vhoṭhe lwa tshikhathinyana.

<sup>105</sup> Fhedzi vha ngomu heneffo, vho dzula kha mafhethu a Ṭadulu kha Kristo Yesu, vho thetshelesa u vhalela, *Zwikhathi zwa Tshivhidzo* na zwinwe-vho. Vhugala! U ni ita uri ni pfe ni wavhudzi, a zwi ralo? U thetshelesa u vhalela! Naa u vhalela ndi mini? “Izwi zwithu zweithe zwe fulufhedzisa, hafha ndi he zwa bvelela. Zwithu izwi zweithe zwe fulufhedzisa, hafha ndi hune zwa khou bvelela. Hune pfulufhedziso ya vha hone, hafha ndi he zwa bvelela. U swikelela he A u fulufhedzisa namusi, hafha hu heneffo vhukati hashu.” Naa vha khou ita mini? U thetshelesa u vhalela. Naa ho swika ngafhi? Ndilani yoṭhe u bva kha Luther. U vhalela! “U itwa vho lugaho, khéthefadzo . . . Fumi, tahe, malo, sumbe, rathi, ḥthanu, ina, tharu, mbili . . . Iyani n̄tha!” Naa vha khou ita mini? Vho lindela i tshi takuwa, awara ya zero. Amene.

[Mukomana Branham, awara dza malo ngavhuya, o rekhoda itshi tshipida tsha magumo tsho pangiwaho ngomu sa phara 106-111. U ḥalutshedza izwi nga tshifhinga tsha theroyawe ya nga madekwana, *Vhuhoneni Hawe*, phara 4-5—Mudz.]

<sup>106</sup> Iyo obiti khulwane ine Tshivhidzo tsha khou lugisa u i ita, na tshifhinga tshihulwane tsha u vhalela, ndi do takalela u ni ḥalutshedza zwine nda elekanya uri u vhalela ndi zwone. Zwino, ndi elekanya uri ri kha di bva u fhira khazwo ngomu tshivhidzoni hafha. Huno zwino ni a dzhiela nzhele izwo, musi muendatshikhalani wa mvelo a tshi khou dilugisela u ḥuwa lifhasini, hu na u vhalela hu tshi thoma u bva kha fumi u ya murahu kha zero. Zwino, a tho ngo lingedza u vunda uyu Mulaedza huno nda u nea mushumo wa tshimuya, vhunga zwi tshi do dzhia tshifhinga tsho dalesaho matsheloni ano. Fhedzi ndi ḥoda u lingedza u ḥalutshedza izwi kha inwi, iyo fumi ndi nomboro ya “vhushango,” munna. Fhedzi sumbe ndi nomboro ya “u fhelela ha Mudzimu.” Mađuvha a rathi O ita mađadulu na lifhasi, huno nga la vhusumbe A awela. Huno miñwaha ya zwigidi zwa rathi shango li tea u shuma li tshi hanedzana na tshivhi, kana tshivhidzo tshi shuma tshi tshi hanedzana na tshivhi, huno wa vhusumbe ndi Nwahagidi, Sabatha.

<sup>107</sup> Sumbe ndi nomboro ya Mudzimu yo fhelelaho. Huno zwino O ri nea u vhalela ho lulamaho, na u vhalela Hawe a si fumi, fhedzi sumbe. Ri kha di bva u fhedza ngazwo kha *Zwikhathi zwa Tshivhidzo zwa Sumbe*. Zwino ri a wanulusa, huno nga hangei

kha Nzumbululo, u vhalela ha u thoma ho vha hu tshikhathi tsha u thoma. U vhalela ha vhuvhili, tshikhathi tsha vhuvhili. Huno u ya phanda kha u vhalela ha vhusumbe. Huno hafha u vhonala phanda hashu, vhunga tshifanyiso tshi tshi oliwa, tsha uri ro vha na uhu u vhalela. Nomboro ya u thoma u vhaliwa yo vha i Efeso. Nomboro ya vhuvhili yo vhaliwaho yo vha i Simirina, Simirina. Zwenezwo Peregamo. Thiathira. Ya vhuṭanu yo vha i Saradesi. Ya vhurathi yo vha i Filadelefia. Huno ya vhusumbe yo vha i Laodikea, tshikhathi tsha tshivhidzo tsha u fhedzisela. Zwenezwo ndi tshifhinga tsha zero, tsha uri Tshivhidzo tshi ḥuwe, nga murahu ha musi zwikhathi zwa tshivhidzo two no shuma tshifhinga tshazwo. Zwino, ri a ḫivha uri tshikhathi tsha Thiathira tsho da huno tsha ḥuwa, huno tshikhathi tsha Efesa tsho da huno tsha ḥuwa, tshikhathi tsha Filadelefia tsho da nahone tsha ḥuwa. Huno ri kha tshikhathi tsha vhusumbe tsha tshivhidzo, magumoni atsho, tshikhathi tsha Laodikea. Huno uho ndi u vhalela.

<sup>108</sup> Arali na dzhiela nzhele kha ngudo dzashu dzo fhiraho dza zwivhidzo, O fara tshandani Tshawe *naledzi dza sumbe*, dze ra dzi wana u vha “vhashumeli vha sumbe vha zwikhathi zwa sumbe zwa tshivhidzo.” Muñwe na muñwe wavho o ḥaluswa lwo fhelelaho sa Mudzimu o dzhia u vhalela Hawe. U bva tshee A ḥuwa, u swika tshifhinga tsha musi A tshi vhuya, U khou kuvhanganya vhatu u itela Dzina Lawe. O thoma nga ḫuvha la Pentekoste. Tsha u thoma, tshivhidzo tsha Efeso, naledzi na mudinda wa itsyo tshivhidzo ri tenda uri ndi Paulo Mūkhethwa. O da, huno nomboro ya u thoma yo vhaliwa. Tshikhathi tsha vhuvhili tsha tshivhidzo, tshine tsha vha Simirina, tsho vha tshi Irenaeus, mukhethwa muhulwane wa Mudzimu we a ranga phanda itsyo tshikhathi tsha tshivhidzo magumoni. Tshikhathi tsha tshivhidzo tsha vhuraru, tshe tsha vha tshi Peregamo, o vha e Columba Mūkhethwa we a vha e mukhethwa muhulwane wa Mudzimu. Nga tshifhinga tsha Tshikhathi tsha Swiswi, kha mutovholo, tshikhathi tsha vhuna na u vhaliwa ha vhuna, Martin Mūkhethwa wa Tours, mukhethwa muhulwane a tshi bva Fura. Tshikhathi tsha vhuṭanu tsha tshivhidzo, na muđinda watsho o vha e Martin Luther kha u vhalela. Tshikhathi tsha vhurathi o vha e John Wesley kha u vhalela.

<sup>109</sup> Zwino ri kha tshikhathi tsha vhusumbe, tshikhathi tsha tshivhidzo tsha Laodikea. Huno ri khou ṭoda uyo muđinda muhulwane wa u bvelela ha vhuvhili ha Eliya, kha u vhalela. Huno nga u ḥavhanya izwo zwi tshi bvelela, zwenezwo ndi tshifhinga tsha zero huno Tshivhidzo tshi dzhia ndila yatsho ya u ya Hayani, tsha bvela nnđa ngomu tshikhalani, ngomu ha Maṭadulu, seli ha ḫwedzi, dzinaledzi, tshiñwe na tshiñwe-vho, huno tsha ḥangana na Yesu.

<sup>110</sup> Naa izwi two bva ngafhi nahone zwa ya ngafhi? Ngomu ha uyu Muendatshikhalani. Naa vhatu vho dzhena hani nga

ngomu ha Muendatshikhalani lwa u thoma? Iyo ndi ndila ine vha do dzhena ngomu hawe fhethu huñwe na huñwe, tshifhinga tshiñwe na tshiñwe. Izwo ndi zwone. O do tea u dzhena ngomu nga yeneyo ndila i fanaho ye wa u thoma a ita, ngauri iyi obiti khulwane ya muvhili muhulwane wa vhathu. Izwo nga tshifhinga tsha Noaxe, ho vha hu na vothi lithihi fhedzi, huno ilo vothi lo vha li vothi fhedzi la u dzhena. Tshiñwe na tshiñwe tshi no dzhena ngomu, a hu londwi arali vho ya kha fuloro ya u thoma phasi ha u itwa vho lugaho, fuloro ya vhuvhili, kana fuloro ya vhuraru, vhothe vha dzhena ngomu nga vothi lithihi. Vhone vha dzhena ngomu nga ndila i fanaho.

<sup>111</sup> Huno ndi zwenezwo zwithihi nga ili duvha la muendatshikhalani. Ri tea u da nga ndila i fanaho, u da nga ndila yeneyo i fanaho, nga Mulaedza wonoyo muthihi, nga Kristo onoyo muthihi, nga Maanda eneo a fanaho e vha a tanganedza nga Duvha la Pentekoste. Ndila i fanaho! Zwo vha tshifhinga tshothe onoyo Muthihi, ngauri Ndi Vothi lenelo li fanaho. Huno ri dzhena hani ngomu ha uyu muvhili? Nga Vothi. Huno Yesu ndi Vothi kha uyu Muvhili. Ngauralo ri a dzhena ngomu huno ri a bebwa ngomu ha Muvhuso wa Mudzimu, nga kha Vothi, Yesu Kristo. Huno zwino Vothi li tsini na u vala kha Laodikea, u vhalela ha u fhedza, huno Tshivhidzo tshi khou ṭoda u dzhia obiti yalo nga ntha ha mathupho othe, zwothe tshiñwe na tshiñwe, huno tsha takutshedza ndilani yatsho ngomu ha matađulu a Matađulu, o hwala Tshivhidzo u ya kha marumbini a Mudzimu. Amene. [Tshikhala kha theiphi—Mudz.] Amene.

<sup>112</sup> Nga matsheloni musi zwa John... uyu Glenn o tusa phasi heneffo, muñwe na muñwe o vha e kha tshifhañwo tshawe, a tshi khou lila na u rabela, a tshi mangala zwe a vha a tshi khou yo kona u zwi swikelela. Huno tshithu tsha u thoma, mulilo u thoma u phadalala u tshi bva kha idzo athomo vhunga uyo misaele muhuluhulu wo takulelwa ntha henengei Cape Canaveral, u tshi ya ntha tuyani nga iyo ndila, huno vhathu vha tshi khou zhamba na u lila na u mangala zwine zwa do bvelela kha muendatshikhalani wavho we a vha a tshi khou ya ntha.

<sup>113</sup> Oo, fhedzi Tshivhidzo, vhugala, tshi khou phadaladza muñwe mulilo-vho. Amene. U vhalela hu khou da! Amene! "U itwa vho lugaho, khethefhadzo, ndovhedzo ya Muya Mukhethwa, tshikhathi tsha tshivhidzo tsha Laodikea," ri magumoni! Yesu Kristo ha shanduki mulovha, namusi, na lini na lini! Naa thaidzo ndi mini? "Fumi, tahe, malo, sumbe, rathi, thanu, ina, raru, mbili... zero!" A vha nga vhi vha tshi khou lila, fhedzi hu do vha na u imba na u tavha mukosi na u renda Mudzimu, musi Tshivhidzo tshi tshi dzhia muendatshikhalani watsho tsha dzhena lutomboni u vha na Yesu Kristo. Amene.

<sup>114</sup> Kha u swikelela ha mveto, vha a dzhiwa vha iswa ñwedzini. Kha u swikelela ha tshimuya ri khou dzhiwa ra iswa ṭadulu. Amene! Muendatshikhalani wa mveto u khou lingedza u mu

wanela fhethu nwedzini. Ro no di wana fhethu ngei Tađulu. “Nduni ya Khotsi Anga hu na madzulo manzhi. Ndi do ya huno nda ni lugisela fhethu, huno nda rumela Muendatshikhali u da u ni dzhia.” U vhalela hu kati! Naa ni a hu tenda? Amene. U vhalela! “Fumi, tahe, malo, sumbe, rathi, thanu, ina, raru, mbili, nthihi, zero!” Mulilo u thoma u phadalala, mushumo wo wana khare Vhugalani. Haleļuya! Huno rokhethe ya kale i thoma u takuwa, hu si musi yo sumba u yela nwedzini, fhedzi yo sumba u yela Vhugalani. I hangei, mulilo wa Mudzimu u khou phadalala. Maanda a Muya Mukhethwa a a tshi takulela ntha na seli ha nwedzi, dzinaledzi, seli ha tshiñwe tshithu tshine tshi nga vhuya tsha swikelelwa nga muthu. Tshivhidzo tshi do fhufhela marumbini a Mudzimu ngei Tađulu, nga manwe a haya matsheloni. Dzikhonani, muthu o kona u swikelela zwine vha vha nazwo nga zwithu zwavho zwa mupo, huno Mudzimu (ndo zwi phuruva hafha) o zwi fanyisa nga zwa tshimuya.

<sup>115</sup> Kha ri dzhene ka Muendatshikhali, nga u ḥavhanya! Mahothi a do valva nga murahu ha tshikhathinyana. U vhalela hu kati! Saints i ri u vhalela havho ndi miniti miraru. Hashu hu nga di vha nga phanda ha uho, hu nga di vha “nthihi” ho lugela “zero!” Kha ri dzhene. Naa ni a tenda uri u vhalela hu kati? Kha ri kotamise zwifhačuwo zwashu zwenezwo lwa tshikhathinyana fhedzi.

<sup>116</sup> Khotsi! “Fumi, tahe, malo, sumbe, rathi, thanu, ina, raru, mbili...” Mudzimu! “Tshaka dici khou kwashékana. Isiraele i khou karo, zwiga zve vhaporofita vha bvumba; mađuvha a Vhannđa o vhalika, o ingwa nga zwi ofhisaho; vhuyani, O inwi no balanganaho, kha vha hanu.” Ndi duvha-de! Tshedza tsha nga madekwana tshi khou penya. O Mudzimu, ri rabela uri a sa tendi a ḥavhanye a vhee nga thungo mihungbulo yawe yothe ya pfunzo, mihungbulo yawe yothe yo fhambanaho na Ipfi Lau, huno nga matsheloni ano ri do dzhena kha uyu Muendatshikhali wa vhugala, ngauri ri bebwa ngomu Hawe, gomu henehfo u vha tshipiqa tsha Muendatshikhali.

<sup>117</sup> Ndi a rabela, Khotsi wa Tađulu, kha uyu Muvhili wa Kristo muhulwane, uri U do lovchedza vhatendi namusi nga Muya Mukhethwa. Ngavhe tivha li tshi qala vhatu nga matsheloni ano, vha tshi bula zwivhi zwavho huno vha tshi lovhedzwa nga Dzina la Yesu Kristo, huno vha tshi namela Muendatshikhali wa kale, Murena, a no khou ya seli ha nwedzi na dzinaledzi, nahone a tshi ya seli ha dzindaela, dzidinomineisheni. Ro no ita u vhalela. Wo ri vhudza zwine zwa do vha hone, izwi zwiraru, izwi zwipiqa zwiraru zwa izwi. Wo vhudza zwikhathi zwa tshivhidzo, uri zwi do tshimbila hani, tshikhathi tsha tshivhidzo tsha u thoma, tshikhathi tsha tshivhidzo tsha vhuvhili, tshikhathi tsha tshivhidzo tsha vhuraru, tsha vhuňa, tsha vhutanu, tsha vhurathi. U vhala ndi sumbe. Huno nga murahu ha sumbe, itshi tshikhathi; ro no di vha khatsho, tshikhathi tsha tshivhidzo

tsha u fhedzisela. Huno zwino u vhalela hu kati. Zwikhathi zwe no fhela u vhaliwa, tshikhathi tsha Luther, tshikhathi tsha Wesley, tshikhathi tsha Pentekoste. Huno zwino, Murena, ri tshi kuvhangana ngomu ha Muendatshikhalani, ri na ngilasi khulwane ya u hudza zwithu nga phanda Halo, ri kona u vhona Vhugala, ra vhona Yesu, ra Mu vhona nga maanda Awe othe, ra Mu vhona nga pfulufhedziso Dzawe dzothe. Tshiñwe na tshiñwe tshe A tshi fulufhedzisa tshi khou vhonisa kha riñe. Ri a U livhuwa nga izwi.

<sup>118</sup> Mudzimu, ngavhe tshivhidzo namusi nga u t̄avhanya tshi tshi dzhena kha zoni ya vhuponyi, ngauri hu si kale hu da awara ya zero huno vothi la Muendatshikhalani muhlwane li do valwa, bufho la Muendatshikhalani. Huno ri do tshimbila vhunga Noaxe o ita musi o dzhena kha muendatshikhalani wawe, vhunga zwe vha zwi zwone, o papamala ngomu nahone nga nthia ha madi othe a khatutshelo. Huno, Khotsi, ri ḥoda u dzhena kha Iwe uri ri kone u papamala nga kha milambwana ya tshifhinga, phanda seli ha Mars, Jupiter, Venus, u fhira Milky-White Way, phanda na phanda na phanda, hune muendatshikhalani a sa dihve tshithu nga hawo. Fhedzi ri a vhona uri Iwe u a mu tendela u ita izwo u itela tshiga, uri ri kone u lugela u ḥuwa. Ri khou bva kha lifhasi. Zwi tendele, Murena. Nga kha Dzina la Yesu Kristo, ndi a zwi humbela.

<sup>119</sup> Hafha hu na dzisagaduku, Murena, dzi hafha, dze vhatu vha lwalwaho vha rumela. Vha a tenda, Murena. Huno ngavhe vha tshi vha vhaendatshikhalani vha re mirado yo dalaho matsheloni ano. Ngavhe maanda a Mudzimu Ramaandaothe Ane a vhonisa Bivhili Yawe kha izwi, uri vho dzhia kha muvhili wa Paulo Mukhethwa, dzisagaduku na dzifasikoti, huno vhalwadze na vha t̄hupheaho vha fhola. Ngavhe uyo muendatshikhalani wa mutendi, musi izwo zwi tshi mu kwama, zwi tshi ḥuwa, Murena. Vhulwadze murahu! Ngavhe mulwadze muñwe na muñwe fhano zwa zwino, Murena, a tshi dzhena heneffo kha Kristo Yesu, kha Ipfi Lawe, pfulufhedziso Yawe. Huno a tshi ri, "Humbelani Khotsi tshiñwe na tshiñwe nga Dzina Langa, Ndi do ita." Ngavhe vha tshi thoma u vhala, "Fumi, ḥahe, malo, sumbe, rathi, ḥanu, ina, raru, mbili... zero. Bvela phanda, Murena!" Ngavhe vha tshi vuwa kha dzikhotho, zwiṭiretsha, tshiñwe na tshiñwe tshire tshi nga vha tshore. Ngavhe vha tshi vuwa kha vhulwadze ho vha kandeledzaho, u bva vha ya ngei tshikhatali tsha nn̄da hune saintsya madokotela, a hu na na muthihi wao, a no dihva tshiñwe tshithu nga hazwo, he Maanda a Mudzimu a fulufhedzisa nga ḥodisiso ya saintsya Bivhili hafha, kana ḥodisiso ya tshimuya, kha ndi ri, ya Bivhili; u sumbedza uri Mudzimu misi yothe o vha e Mudzimu, u di dzula a Mudzimu, U do vha Mudzimu tshifhinga tshothe, huno Ndi ene A Si Na Magumo, A Re Na Maanda Othe, Wa Maanda, Tshivhili Tshi Re Hothe-hothe tshire tsha kona u vhulunga Ipfi Latsho; huno

a kona u ita zwithu zwēthe, huno o ri fulufhedzisa zwithu zwēthe uri zwi a konadzea kha avho vha no tenda. Mudzimu, zwi tendele.

<sup>120</sup> Ngavhe uyo munna a sa langeiho kana vhasadzi, mutukana kana musidzana, matsheloni ano, ane a si vhe ngomu heneffo u thetshelesa u vhalelwa ha Ipfi la Mudzimu, a tshi divha uri ri heneffo phasi, ro no vhala tshithu tsha u fhedza. Tsho no lugela u huwelela “zero” nga tshifhinga tshiñwe na tshiñwe, na tshivhidzo uri tshi tuwe. Ri vhona Mulaedza u tshi guma. Ri vhona mutovholo u tshi vuwa, vhunga ro amba nga hazwo madekwe. Ri a divha uri tshifhinga tshi tsini. U vhalela ho fhela. Wo ri thusa hafha kha pulatifomo u disa zwikhathi zwa tshivhidzo phasi, huno wa dzhia tshithu tshiñwe na tshiñwe-ho huno wa tshi phuruva, uri zwa zwino nga tshifhinga tshiñwe na tshiñwe zwi nga bvelela. Mudzimu Wa Maanda, We a sika Mañadulu na liphasi, rumela khathutshelo Dzau kha vhathu huno u vha nee tshenetsho tshine Wa vha natsho tsho vhulungelwaho vhone. Ngauri ri a humbelia Dzinani la Yesu.

<sup>121</sup> Huno munna na musadzi muñwe na muñwe vho kotamissa zwifhañuwo zwavho. Arali ha vha na vhañiwe hafha vhane vha sa divhe Kristo sa Mutshidzi wavho matsheloni ano, huno vha tshi ḥoda u Mu divha huno vha dzhena ngomu ha iyi nyimele ya Muendatshikhālani ya tshilidzi tsha Mudzimu, u dzhena kha U Takulelwa Tañulu, naa ni nga imisa tshanda tshanu huno na ri, “Ndo lugela, ḥoda u lugela U Takulelwa Tañulu, Mukomana Branham. Nthabeleleni.” Mudzimu a ni fhañutshedze. Mudzimu a ni fhañutshedze, inwi. Mudzimu a ni fhañutshedze, na inwi. Nga nn̄da, nga ngomu, huñwe na huñwe hune na vha hone, itonu imisa tshanda tshanu. Nga izwi, i ri ni, “Mudzimu, mnžhenise.” Mudzimu a ni fhañutshedze. “Ndi ḥoda u pfa u vhalela. Ndi ḥoda u hu pfa. Ndi ḥoda u divha ur̄ ndo tsireledzea, uri musi mulilo u tshi tuwa a thi khou yo vha ndo dzula phasi hafha kha bere na goloi. A thi khou yo vha ndi tshivhidzoni, ndo namela modorokara. A thi khou yo vha kha muñwe une u nga tou bvisa milenzhe yawo mavuni zwino, tshifhinga tshilapfu tsho edanaho u fhufha huno wa vha na phosho khulu. Ndi ḥoda u vha kha tshiñwe tshithu tshi no khou yo nn̄zhia seli ha ñwedzi na dzinaledzi. Ndi ḥoda u thetshelesa u vhalela; hu si iñwe ndaela, liñwe dzangano. Fhedzi ndi ḥoda u vha kha Kristo, hune ndi nga alavha seli ha tshiñwe tshithu tshi no ṭaṭa vhukati ha vhathu. Ndi ḥoda u ya.”

<sup>122</sup> Naa hu na tshiñwe ri sa athu rabela? Naa hu na...? Mudzimu a ni fhañutshedze, mufumakadzi muswa. Mudzimu a ni fhañutshedze, muñhannga. Mudzimu a ni fhañutshedze, na inwi murahu heneffo. Ndi vhona tshanda tshanu, huno Mudzimu zwa vhukuma u a tshi vhona. Huno inwi, mukomana wanga, inwi mukomana. “Ndi ḥoda u vha kha u vhalela. Mudzimu, i ri ndi vhee nga thungo muhwalo muñwe na muñwe.” Mudzimu a ni

fhaṭutshedze, mukomana. “Ndi ṭoda u vhetshele thungo tshivhi tshiñwe na tshiñwe. Ndi na mbiti Mukomana Branham. Oo, a tho ngo kona u dzhena ngomu kha Iyo nga ndila iyo. Rabelani Mudzimu uri a dzi ṭuwise kha nne. Ndi—ndi, Mukomana Branham, ndi—ndi nwa zwiṭukunyana. A thi ṭodi u ita izwo. Rabelani uri ndi dzi vhee nga thungo. Ndi a daha. A thi ṭodi u ita izwo. Mudzimu u a divha uri a thi ṭodi u ita izwo. Tshithu tsho sokou nkandeledza fhasi ngauralo, ndi—ndi tou zwi ita, ndi tou vha ndi sa koni u dzi ṭutshela. Ndi a divha uri zwo khakhea, huno a tho ngo tea u zwi ita. Ndi nga si ḷone! Tshiñwe tshithu, ndo vha ndi tshi khou timatima Ipfi. Ndo vha ndi tshi khou mangala arali ḷone lo vha lo luga. Nthuse, Mudzimu. Ntendele, ntendele ndi tou elelwa uri zwothe Zwało zwo luga, huno ndi a Li tenda. Ndi ṭoda u thetshelesa u vhalela. Ndi ṭoda u ya fhethu hune tshifhinga tshothe nda vhona Ipfi ḥa Mudzimu li tshi amba tshiñwe tshithu, ndi ṭoda u khwaṭhisa nga ‘amene’ huno nda ri ‘Ndi Iwe, Murena.’” Zwino vhoṭhe... Mudzimu a ni fhaṭutshedze. Mudzimu a ni fhaṭutshedze, muñwe na muñwe wa vhoinwi.

<sup>123</sup> Naa hu na vhañwe fhano zwino vha no lwala, huno vha ri, “Mukomana Branham, matsheloni ano ndi Mukriste, fhedzi ndi... ndo vha ndi tshi... wana Muya Mukhethwa. Ndo kanda kha bufho zwino, ndo lugela u vhalela. Ndo bva kha tshaka dzothe dza dzidinomineisheni na tshiñwe na tshiñwe-vho, ndi tshi thetshelesa u vhalela. Fhedzi zwino ndi ṭoda u amba itshi tshithu tshithihi, Mukomana Branham, matsheloni ano, ndi a lwala. Ndi na mushumo une nda tea u u itela Murena zwa zwino. Ndi khou thetshelesa u vhalela, fhedzi ndi ṭoda u—ndi ṭoda u vha na mutakalo. Ndi khou kanda n̄tha hazwo matsheloni ano, u thetshelesa u vhalela.” Naa u vhalela ndi mini? Ipfi ḥa Mudzimu. Li vhalelwa heneffo fhasi. Ha shanduki mulovha, namusi, na lini na lini. “Ndi ṭoda u Mu pfa sa Mufhodzi wanga matsheloni ano. Ndi ṭoda u imisa tshanda tshanga huno nda ri, ‘Nthabeleleni, Mukomana Branham.’” Mudzimu a ni fhaṭutshedze. Kandani heneffo ngomu zwino. Kandani heneffo ngomu. Alitari yo dala, huno u mona hafha, ho tsitsikana fhasi. A ro ngo kona u vha na muduba wa thabelo. Vho ima u mona na mbondo na tshiñwe na tshiñwe. Ri tou vha na tshivhalo tsha zwithu zwo fhambanaho. A ri tei u ita izwo. Inwi ni kha—inwi ni kha... Inwi ni muendatshikhali.

<sup>124</sup> Inwi ni muendatshikhali. Ni khou ya seli ha Luther. Luther ha zwi tendi na luthihi. Wesley o vhea zwanda. Mupentekostała u dolisa nga mapfura. Ni muendatshikhali. no tuwa seli ha tshiñwe tshithu tsha u ṭata. Nga u tou ri Ipfi lo amba nga u ralo, ndi khou bvela phanda. Zwo luga, inwi ni ri, “Naa Luther ho ngo tenda? Naa ilo lo vha li si Ipfi?” Iina, fhedzi Wesley o ya phanda nga n̄tha hawe. “Zwo luga, Wesley o dolisa nga mapfura kana tshiñwe tshithu. Naa izwo a ni zwi tendi?” Ee,

izwo zwo luga. "Mupentekostała u pandela vhodiabolo." Iina. "O vhea zwanda kha, o vha e na phodzo zwandani na tshiñwe na tshiñwe-vho." Iina, ndi a divha uri izwo ndi zwone, fhedzi bvelani phanda. Bvelani phanda! Wesley ha sedzi murahu kha Luther, Pentekoste a i sedzi murahu kha Wesley. Na riñe a ri sedzi murahu kha Pentekoste. Ri vhaendatshikhali. Ri seli ha izwo. Kha ri bvele phanda. Kristo o amba nga u ralo!

<sup>125</sup> Naa ni zwi wana hani? "Ida u vhee zwanda Zwau kha ñwananyana wanga huno u do vha na mutakalo," o amba Muyuda. Yesu o ya huno a mu itela zwone, izwo ndi zwone. Fhedzi musi zwi tshi ña kha Muroma, muendatshikhali, a ri, "A tho ngo fanela uri U ñe fhasi ha ñhanganya. Itou amba Ipfi, Murena." Huno O no di zwi amba. Izwo ndi zwone.

<sup>126</sup> Zwino kha ri takusele dzashu—mbilu dzashu kha Mudzimu. Kha ri takusele zwanda zwashu kha Mudzimu, mbilu dzashu kha Mudzimu. Ngauri tshiñwe na tshiñwe tshine na tshi ñoda, tshidzo, khethefhadzo, ndovhedzo ya Muya Mukhethwa, phodzo ya Muya, tshiñwe na tshiñwe tshi re tshone, isani zwanda zwanu ñtha huno isani mbilu dzanu henefho Vhuhoneni ha Mudzimu, huno ni limuhe uri no dzula kha mafhethu a Tadulu kha Kristo Yesu, huno ni muendatshikhali tsha ulwo Lutendo. Mini? Hafha hu da u vhalela! "Fumi, tahe, malo, sumbe, rathi, ñthanu, ina, raru, mbili..." O Yesu, ida zwino! Ri khou vhea maanda a Dzina Lawe. Huno vhunga ro vhona madekwe, Paulo o rwa munna a vha bofu, i ri ni muñwe a mu gidimele. Huno ri a vhona uri Yesu o kona u ita tshiñwe na tshiñwe tshe A—A ita, tshaka dzothe dza madembe, huno naho zwo ralo o vha o luga magumoni a ndila Yawe, ngauri O vha o rwelwa fhasi huno a pfelwa mare, na tshiñwe na tshiñwe-vho. Vhathu a vha zwi pfesesi. Vha a limuha uri Mudzimu u a zwi ita u khwathisedza uri ndi zwone, huno zwenezwo a lingulula lutendo lwa vhathu.

<sup>127</sup> Murena, ro ima hafha huno ra vhona vho pofulaho tshothe vha tshi ñanganedza u vhona havho, vhulwadze; pfuko dze ñza vha dzi murunzi wa vhathu, dzo fholu. Ro vhona avho vhe vha vha vho fa huno ho vho bviselwa nnnda lwa dziawara na dziawara, huno vha vhuya kha vhutshilo hafhu. Ri a divha uri ndi—ndi Kristo washu muhulwane ane khae ra vha muendatshikhali muvhilini Wawe. Huno zwino u vhalela hu kati, huno ri khou yo tenda matsheloni ano u itela phodzo yashu, u itela tshidzo yashu, na u itela tshiñwe na tshiñwe tshine ra tshi ñoda. Ngauri musi ri tshi zwi humbelu nga Dzina la Yesu Kristo, O fulufhedzisa, "Humbelani Khotsi Anga tshiñwe na tshiñwe nga Dzina Langa, Ndi do tshi ita." Huno ndi zwenezwo fhedzi zwine ra ñoda u ita zwino ndi u vhidza Dzina Lawe, huno zwi tea u itwa. Ri khou thetshelesa u vhalela.

<sup>128</sup> Murena, vhañwe vhavho vho vhaho vhaitazwivhi, vho imisa zwanda zwavho. Vho lindela u vhalela, musi hu tshi do ña tshanduko mibiluni dzavho, i no do bvisa u tshinyala huvhi ha

kale hothe. Hu na sigarete dza u daha nnzhi, dzo lugelaho u dzi vhea phasi. Vhanzhi vho itaho zwithu zwe vha vha vho tea u vha vha songo zwi ita, huno vho lugela u zwi vhea phasi, ngauri ri humbela Mudzimu Ramaandaothe nga Dzina la Yesu Kristo u ɿuwisa tshiñwe na tshiñwe tshi no khou thithisa Tshivhidzo matsheloni ano, u bva kha vhulwadze u ya kha tshivhi, huno i ri ni itshi tshivhidzo tshi vhofholowe. Nga Dzina la Yesu Kristo, ngavhe maanda na Maanda a Mafhungomadifha mahulwane, Mulilo wa Muya Mukhethwa u thoma u balangana, huno vhaendatshikhali a vahulwane vha Mudzimu vha dzhie lutamo lwa mbilu dzavho ñamusi. Zwi tendele, Mudzimu Ramaandaothe. Ndi Vhau. Huno ngavhe vha tshi ɿanganedza phodzo yavho, tshidzo yavho, na tshiñwe na tshiñwe tshine vha tshi ɿoda. Ndi vha themendela kha Iwe, huno nda vha kumedzela kha Iwe nga thabelo yanga, kha alītari hune Malofha a Yesu Kristo a vha hone matsheloni ano. Nga Dzina la Yesu Kristo ngavhe vha tshi ɿanganedza zwe vha zwi humbela.

Huno vhathu vha ri, “Amene.” [Tshivhidzo tshi ri, “Amene.”—Mudz.]

<sup>129</sup> Ngauralo, Li tendeni! Nga Li vhe nga u ralo! Ndi a Li tenda. Ndi a tenda. Amene. Ndi a ñivha uri Ndi ene Mudzimu. Ndi a ñivha uri ro lugela u swikelela ha Mudzimu huhulwane. Naa u swikelela Hawe ndi mini? U ɿutshela lifhasi. Muendatshikhali a vha ñwedzini, ɿinwe lifhasi. Huno Tshivhidzo tsha Mudzimu (u bva kha bufho, u bva u gadisani ha bere na zwiñwe-vho) tshi khou ɿutshela muendatshikhali, u ya kha ɿinwe shango, ɿine la vha Taðulu. U vhalela, hu kati. Amene.

Inwi ni a Mu funa? [Tshivhidzo tshi ri, “Amene.”—Mudz.] Zwenezwo kha ri imise zwanda zwashu huno ri imbe.

Ndi a Mu funa, ndi a Mu funa  
Ngauri O thoma . . .

Zwo luga, Murathu Neville.

Rendani Murena! Huno Mudzimu a ni fhaɿutshedze u swika madekwana a ñamusi musi ndi tshi ni vhona.



*U VHALELA TSV62-0909M*  
(Countdown)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga matsheloni a Swondaha, Khubvumedzi 9, 1962, Thaberenakejeni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi thalutshedzo ya Tshivenda yo gandiswa huno ya phadhaladzwa nga vha Voice Of God Recordings.

TSHIVENDA

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ñwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)